

葉案存真類編下卷

評點葉案存眞類編卷下

古吳葉桂天士甫著 皖南建德周學海澂之類評

元孫萬青輯錄

溫熱

冬溫春溫伏氣
新感挾虛挾飲

冬溫為病。乃正氣不能藏固。熱氣自裏而發。齒板舌乾。脣燥。目微紅。面油亮。語言不爽。呼吸似喘。邪伏少陰。病發三焦皆受。仲景謂發熱而渴者為溫病。明示後人。寒外鬱則不渴。飲熱內發。斯必渴耳。治法清熱存陰。勿令邪熱焚劫津液。致癰癩。厥神昏譫狂諸症。故仲景復申治療法云。一逆尚引日。再逆促命期。且忌汗。忌下。忌辛溫。九日不解。議清膈熱。

飛滑石 連翹 淡黃芩 鬱金汁 竹葉心

天花粉 橘紅 苦杏仁

朱先生勞倦嗔怒。是七情內傷。而溫邪感觸。氣從口鼻。

直自膜原中道。蓋傷寒陽症。邪自太陽。次第傳及。至

于春溫夏熱。則鼻受氣。肺受病。口入之氣。竟由腕中。

所以原有手經見症。不比傷寒足六經之病也。其原

不同。治法亦異。仲景論溫邪不可發汗。汗則劫津傷

陽。身必灼熱。一逆尙引日。再逆促命期。又云。鼻息鼾。

語言難出。劇則驚癇癎瘖。無非重劫津液所致。今病

發熱。原不是太陽客邪見症。所投羌防辛溫表汗。此

誤。卽爲逆矣。上竅不納。鮮不見此。張皇失措。下竅不便。亦屬常事。必以攻

下希圖泄熱。

時醫通弊亦或暫效病家信之遂致於死。○攻下原可泄熱必須邪熱入在腸

胃堅實有形不得但據下竅不便便謂陽明已實蓋氣結津傷有如此者殊不知強汗劫

津而傷陽妄下劫液更亡陰頃診脈兩手如搖而戰

舌乾燥而無胎前板齒乾目欲瞑口欲開周身燈照

而淡晦斑紋隱隱約約幾日來時有呃逆傷寒絕穀因胃乏穀

氣而中空肝陽衝突上冒肆虐耳為今返正先與糜

粥使胃中得濡厥陽不致上冒而神昏之累可已進

藥之理甘溫可以生津除熱即斑疹亦不足慮觀仲

景論中邪少虛多陰液陽津並涸者復脈湯主之謹

做此義風寒久鬱化熱皆為癰疹况本溫病誤用辛溫耗津但生津開鬱逐穢透表邪得宣泄疹

自退矣斑疹不足慮真卓識也。

炙甘草 人參 生地 白芍 阿膠 麥冬 方

宜加龍蠟。仿救逆意。為有瘕也。

五十七歲。豐腴體質。適值過勞。陽氣受傷。嘔吐食物。無

頭痛身熱。已非外感風寒。而間日煩躁渴飲。唇焦舌

黑。是內伏熱氣。由募原以流布。三焦亦如瘧邪分爭。

營衛者。然。然有年積勞既久。伏邪客病本輕。脉小緩

按之不為鼓擊。可為徵驗。且二便頗通。略能納穀焉。

有停滯積聚。仲景於瘧熱無寒之條。不出藥方。但曰

以飲食消息。後賢參聖意。甘寒以養胃陰。其熱自解。

要知表散之辛溫。消滯之苦溫。以及苦寒沈降。多犯

聖訓戒律矣。此即溫瘧。

鮮生地 甜杏仁 麥冬 花粉 竹葉心

青蔗汁 連翹 據證是有瘀血凝痰停於胃中。方味少活血之品恐未能效。可加桃

仁茜草焦查青皮。

勞倦伏邪初起即用柴胡紫蘇三陽混散津液被劫熱邪上結胸中懊懽神煩譫語渴欲冷飲診得脉無神舌色白病在上焦氣分閱醫藥不分上下氣血況冬溫氣泄老人積勞七日未見病退機關此屬重症豈可藐視輕談

○瓜萁皮 黑梔子 白杏仁 鬱金 香豉

枳殼汁 生津通表疏泄胸中結氣恐力小未能勝任然方却甚靈巧老人真氣虛最怕中焦

實結攻補棘手遂成不治是以病在上焦方中已兼清中焦矣。

汪天植 脉數如浮。重按無力。發熱自利。神識煩倦。咳
噎痰聲如嘶。渴喜熱飲。此非足三陽實熱之症。乃體
屬陰虛。冬月失藏。久伏寒邪。已經蘊遏化熱。春令陽
奉。生。者。少。陰。津。不。足。供。賜。氣。之。發。泄。也。
升伏邪隨氣發泄而病未及一旬。即現虛靡不振之
象。因津液先暗耗於未病時也。今宗春溫下利治。

淡黃芩 杏仁 枳壳 白芍 鬱金汁 橘紅

積勞伏熱。值初冬溫暖。天地氣不收降。伏邪因之而發。
是為冬溫。實非暴感。表散無謂。其痰喘氣促。左脇刺
痛。係身中左升不已。右降失職。高年五液已衰。炎上
有。飲。邪。以。礙。其。道。
之威莫制。脉現左細右搏。尤屬陰氣先傷。煩勞兼以
嗔怒。亦主七情動陽。從來內傷兼症。不與外感同法。

苦辛劫燥胃津。陰液日就枯槁。故仲景凡於老人虛

體。必以甘藥調之。夫喘咳之來。固是肺熱。以診脉面

凡咳多是新感。若清肺熱。肺管更窒矣。

色論之。為下虛。正氣不主攝納。腎病何疑。即初起熱

氣。妄。泄。少。陰。不。合。

利亦是陰不固。擬用復脉湯。此用復脉。不

及朱案貼切。

炙甘草 細生地 炒麥冬 生白芍 麻仁

蔗漿

溫邪兼勞倦。從內傷治。已獲小效。獨左脇痛難轉側。咳

前方少疏。微之。品。

嗽氣觸必加閃痛。想因平素操持。肝陽易熾。營陰暗

耗。非肝陽也。乃肝陰鬱結也。陽熾者必頭顱眩暈。腦

額空脹。孔竅乾搶也。近日皆誤以肝陰為肝陽。桑

菊芩膽。日日澆灌。愈澆愈鬱。將真火悶熄而死。仍誤

肝陽莫制。可慨也。凡飲食勞倦所傷。中樞不運。則清

陽不升。濁陰上逆。內經以肝為將軍之官。謀慮出焉。

東垣真識高千古。

故身中左升之氣屬肝主之。右降之氣屬肺主之。今
面微赤而咳頻。前此上焦畏熱煩燥。其左升之令不
已。右降之氣失司。已經洞悉。經以左右爲陰陽之道。
路。升降周行。一日夜行五十度。平旦交會於氣口。既
爲拂逆情志而裏氣鬱遏。冷熱外加。營衛因之窒阻。
此陰陽道路流行。或遲或速。無平旦清明之氣。是以
發散消導清火利痰之品。昧於身中轉旋。有若天地
也。再論平昔精力頗健。今已大年。下焦先虛。夫下虛
者。上必實。眩暈神昏。自利可見矣。以冬令藏聚返根
之候。見症若是。此亦、痰、閉、若、氣、離、根、非、常有、矣爲忽然中厥。亦屬常有此投藥之難。
自宜瞻前顧後。議用錢氏地黃湯意。栽培三陰臟陰。

疎其三陽腑陽。俾臟主藏。府主通。佐以鹹降理逆。穀

味有加。再為進商可也。

○熟地。白芍。山藥。澤瀉。丹皮。茯苓。

牡蠣。阿膠。

山塘 七十五 立冬未冷。溫熱之氣外入。引動宿飲。始而

狀如傷風。稀痰數日。繼則痰濃咽乾。是少陰脉中乏

津上承。五液盡化痰涎。皆因下虛。易受冷熱。是以飲

邪上泛。老年咳嗽。大要宜調脾腎。最忌發散泄肺理

嗽。暫用越婢法。

麻黃。石膏。甘草。芍藥。生薑。大棗。

章 暴冷。外加熱氣。內鬱肺室不降。腕悶如饑。水飲欲

平貼集案字真 卷下 溫熱

嘔頭痛寒熱當治上焦案語簡切。

桔梗 象貝 橘紅 兜鈴 北沙參 杏仁

吳 風溫上受飲邪上泛臥枕則欬甚飲陰類也先以

輕揚肅上再議理飲

桔梗 兜鈴 米仁 茯苓 通草 象貝

急火煎服一次

又案 輕可去實恰當上受風溫但左脇引動而咳甚
經言左升太過右降不及然非肝木之有餘雨水春
木萌動氣升上衝皆血液之少不主配偶之義

甜杏仁 玉竹 甘草 桃仁 炒麻仁

冬溫咳嗽忽值暴冷外寒內熱引動宿痰伏飲夜臥氣

沖欲坐。喉咽氣息有聲。宜煖護安居。從痰飲門越婢法。

○麻黃。甘草。石膏。生薑。大棗。外寒內熱治法

王廷佑。寒包鬱熱亦屬溫邪。

○桔梗。大力。連翹。蘇子。滑石。枳殼。

赤芍。木通。

溫邪有升無降。經腑氣機交逆。營衛失其常度。為寒熱。是。有△新△感△。

津液日耗。渴飲不饑。陽氣獨行。則頭痛面赤。是皆冬

春驟煖。天地失藏。人身應之。患此者最多。攷古人治

溫病忌表散。誤投即謂劫津逆傳。心包最怕神昏譫

語妄狂。治法以辛甘涼潤為主。蓋傷寒入足經。溫邪

入手經也。上潤則肺降。不致臏鬱。胃熱下移。知饑渴解矣。

嫩竹葉 桑葉 杏仁 蔗汁 麥冬 生甘草

石膏

水淨糖炒

陳 診脉左帶微數。右關微弦。胸脘痞悶。右眼角赤。皆

是肝木乘坤土。經旨有腎藏志。脾藏意。今夢寐驚惕。

是見不藏之象。倘調養失宜。內有七情之擾。外有六

淫之侮。再經反覆。藥餌無過。樹根草皮。焉能有濟。故

重言以申其說。脉證皆痰氣固結之象。但燥痰是虛。燥滯結。宜生津以滑之。不宜辛熱。淡

滲以燥之。

人參 半夏 枳實 茯苓 乾薑 小川連

第二案 六脉略和。舌胎已退。胸脘稍寬。渴飲至胃。微覺呆滯。大便乾燥。勢見陰枯。陽結通陽之中。佐以潤燥。亦屬至理。至於調養靜攝工夫。不必再贅。

柏子仁 茯苓 歸鬚 炒桃仁 塊苓 桂心

茯苓大礙通陽。下四方不離此味。只因腎燥便艱。何不選用甘滑辛潤。而必須鹹潤耶。

第三案 立夏日診。脉氣和。病情減。清晨微覺氣悶。陽氣尙未全振。再論人身中陰陽二氣。每相眷顧。陽病久。必傷陰。陰病久。必傷陽。故病久之體。調養失慎。必至反覆。諄諄至囑。進苓桂朮甘湯。以宣上。鬲之陽。

第四案 年過五旬。腎氣本弱。病纏日久。脾土亦餒。腎惡燥。脾惡濕。經旨昭昭。若欲平穩。宜乎分治爲安。是

將來調補丸藥章旨。今上鬲已寬。且進下焦調補爲法。

菘蓉 歸身 杞子 茯神 小苧 柏仁

天冬 巴戟 牛膝 菘蓉最傷心陽。最助脾溼。歷驗之矣。

第五案 病減六七。惟納食不易。運化飲湯不易。下趨。

口中味淡。時或作酸。大便燥艱。乃脾陽不振。腎陰未

復。故潤劑之中。佐以辛香。有合經旨。辛甘化風之意。

柏仁 小苧 菘蓉 車前 茯苓 牛膝

歸身 桂心

第六案 脉神俱安。大便艱澇不爽。痰飲所結臍間隱隱作痛。高

年腎陰暗虧。血液不能灌溉四旁。腸中枯燥。更衣頗

覺費力擬進通幽湯方法以潤之。臍間隱痛是痰凝是上前鹹潤藥所

致方中宜加
桃仁山查

歸鬚 紅花 郁李仁 柏仁 麻仁 生地

升麻

去鹹潤反更衣臍間疼痛已止胸鬲之間略

第七案 兩日連次更衣臍間疼痛已止胸鬲之間略

覺不和則知病纏日久不獨血液受虧氣分亦為之

不振擬溫填藥餌佐以通陽庶幾中下兩顧

菘蓉 塊苓 杞子 小茴 柏仁 牛膝

人參 巴戟

范升九 四肢作冷自利未已目黃稍退而神倦不語

濕邪內伏足太陰之氣不運經言脾竅在舌邪滯竅

必少靈以致語言欲蹇法當分利佐辛香以默運坤陽是太陰裏症治法是溼溫治法

生於木 草果仁 厚樸 木瓜 茯苓 澤瀉

第二案 身體稍稍轉動語蹇神呆猶氣機未為靈轉色脉非是有餘而濕為陰邪不徒偏寒偏熱已也

生於木 石菖蒲汁 鬱金 茯苓 遠志

米仁

第三案 濕滯於中氣蒸於上失降不得寐口起白疳仍不渴飲開上鬱佐中運利腸間亦是宣通三焦也

生於木 寒水石 米仁 桔梗 廣皮 猪苓

澤瀉滲藥宜少用不渴飲者溼之結也運中開上便可祛之起白疳者熱之結也滲利太過

則津不上承。熱更亢而莫制矣。

第四案 濕勝中宮不運。易生痰飲。不欲食。須使神機

靈泛。少佐疎滯。

外臺茯苓飲去廣皮加 天竹黃 石菖蒲

第五案

人參 金斛 枳實 於朮 茯苓 廣皮

第六案 脾胃不醒。皆從前濕蒸之累。氣升痰咳。參藥

緩進。

炒川貝 茯苓 地骨皮 米仁 鬱金 淡苈

陳范兩案。皆病溫也。一化燥。一兼溼。其藥不同。宜矣。而一寒一熱者。何也。陳必其人虛寒。體質其病溫。必是冬不藏精。伏氣所成。范則直是時令溼溫而已。讀者須於此等處用心。方有入處。方有悟時。

熱邪入裏。腕痞按之痛。脉浮滑者。此邪結陽分。擬仲景小陷胸湯。

川黃連 括蕪實 半夏 杏仁 枳實

脉濡瀉數。至暮昏亂。身熱未盡。腹痛便黑。陽明蓄血。擬

仲景桃仁承氣以逐其邪。

桂枝木 大黃 甘草 芒硝 丹皮 桃仁

熱緩神昏。欬痰嘔逆。舌不能言。餘邪漸入心包絡。恐癰

癥。進芳香入絡法。熱緩而反神昏。正邪氣內陷之候也。不得以熱緩為病減。

萬氏牛黃丸

溫邪已入心營。神煩欲昏。質係陰虧。怕其液涸。不必以

斑疹為慮。清神斯邪不結蔽矣。經云津液相成。神乃自生。故神藉津以養。

連翹心 石菖蒲 鮮生地 元參心 金銀花

天竹黃 至寶丹一粒 暑暈門首案即此方以犀角易竹黃

舌音強縮。乾涸無津。邪氣已入臆中。神識昏蒙。積勞。心血久虛。致熱。竟入矣。診脉虛小無力。但補則熱閉。今晚以至寶丹三分涼開水調化。勻五六次銚服。

又心氣久耗。營液暗傷。漸枯涸窒塞。小腸火腑失其變化。傳導溲溺欲痛。舌刺欲縮。色仍白晦。豈是血滯實火。當滋液以救燔燥。仍佐苦味以通火液。謂通火中之液也。究竟火液二字太生。道書云。心含赤液。

鮮浙江生地 元參 竹捲心 人參 川連

菖蒲 百部 桔梗

平占集卷五 卷下 溫熱 十

又神氣消索。五液枯寂。此昏躁妄言。乃陰陽不肯交合。欲作脫象。不忍坐視。議三才湯以滋水源。參入磁硃以寧神志。

三才加磁硃金箔

又吸短欲躁。午後至更深爲甚。熱入陰中。子後清陽用事。稍和。自云心中不舒。熱熏則楚。做邪少虛多。例用仲景復脈湯。

炙草 生芍 人參 生地 麥冬 麻仁

阿膠 雞子黃

邪灼臆中。神迷譫語。嘔痰。

牛黃丸 竹葉燈心湯化服

診脉左虛大。右濇小弱。症見短氣遺尿目暝肢掉神識
漸迷。渴不欲飲。侵早稍安。晡時煩躁。此乃積勞元傷。
熱氣內迫。劫燥臟液。致內風欲擾。有瘕厥之慮。仲景
謂元氣受傷致病。當與甘藥。就暑熱傷氣。亦屬發泄
所致。東垣發明內傷暑病益氣諸法。足爲炳據。若動
攻表裏。是速其散越耳。

麥冬 生甘草 鮮蓮子 知母 竹葉心

先厥後熱。邪氣蘊伏亦久。從傳染而得。今脉數舌紅頭
疼乾嘔。皖悶多痰。皆是熱蒸營衛。慮其再厥。

羚羊 犀角 連翹心 川貝 元參 銀花

通草 鬱金

又方 犀角 連翹心 川貝 元參 銀花 通草

鬱金

又方 犀角 連翹心 川貝 通草 銀花

石菖蒲 金汁

又前方去通草加麥冬

又方 捲心竹葉 知母 生甘草 麥冬 花粉

川貝

又方 鮮佩蘭汁 麥冬 南花粉 棗仁 米仁

川貝 後四方無大分別。但輕重不同。前重心包。後重肺胃。前重開結。後重生津。

溫熱後。肝陽乘胃。涎沫自出。胸滿如悶。咽中間或氣促。

潮熱時作。四肢微冷。慮其厥逆。進熄風和陽法。脾為溼困

中氣不靈。則木亦鬱。
木鬱則橫而反侮。

淮小麥 炒半夏 甜杏仁 炒麥冬 南棗

又方 人參 麥冬 淮小麥 茯苓 南棗

炙甘草 此方何能熄風和陽。且有病重藥輕之嫌。然方却有法可思。從藏燥甘棗小麥湯加

減來。

脉促神倦。目上視。咳痰欲喘。脣燥舌紅。溫邪發熱。半月外不解。所擬發散消導之藥。病不少減。正氣反傷。內風乘虛上擾。慮有瘧厥變幻。非輕小之恙。姑與甘緩法。

炒麥冬 北沙參 淮小麥 生甘草 南棗肉

脉虛細無力。熱止後。汗多。心悸。頭暈。寐多驚恐。舌紅。營

陰受傷。理宜和陽存陰。

○生地 麥冬 淮小麥 阿膠 人參 炒麻仁

舌縮。語音不出。呼吸似喘。二便不通。神迷如寐。此少陰

腎液先虧。溫邪深陷。陰中癰瘻已見。厥陽內風上冒。

本質素怯。邪伏殊甚。實為棘手。議護下焦之陰。清解

溫熱之深藏。以冀萬一。此病宜大劑填腎陰。宣心陽。使陰陽俱活。乃有生理。能將

邪氣提出陽分。裏證轉為表證。便是轉機。

阿膠 鮮生地 元參 鮮石菖蒲 川黃連

童子小便 前四味分兩宜重。再略加黨參細辛。提邪出陰。

病熱。汗出復熱而不少。為身涼。此非瘥瘧。狂言失志。經

所謂陰陽交。即是病也。交者液交於外。陽陷於內耳。

此屬棘手症。

人參 生地 天冬

凡熱甚而厥。其邪必在陰分。古稱熱深厥深。病中遺泄。

陰傷邪陷。發表攻裏。斷難施用。和正託邪。是為穩法。

○草果 黃芩 知母 人參 炒半夏 五更時服方意可師

草菓能從陰透陽。半夏能通陰陽也。

寒熱雖減。腕中猶然不爽。非是食滯。乃氣結所致。尚宜

開上中之痺。

川連 乾薑 淡芩 炒半夏 杏仁 白蔻

枳殼 桔梗 用瀉心法

熱久傷陰。津液不承。噎咳。舌紅罩黑。不饑不食。肌膚甲

錯。渴飲不休。法當滋救胃液。以供肺。惟甘寒為宜。

麥冬 南花粉 白沙參 冬桑葉 蔗漿分兩要重

留熱未清。營液已耗。但論清邪。恐神索氣奪。膩滯陰藥。防餘熱癰瘍。議理心之用。亦清補之意。

人參 麥冬 竹心 淮小麥

病體已虛。風溫再侵。喘嗽身熱。腕悶小便不利。全是肺

病。此症反覆太多。深慮病傷成勞。凡藥之苦味辛泄

者慎。用此太陽之經氣不充。以致外邪易入。方中宜兼用撐法。以振陽氣。不得一味清寒。恐有熱

去寒起之虞。

青蔗汁 鮮枸杞根皮 玉竹 桑葉

北沙參 蜜炒知母 炒川貝

吳子純 連朝驟熱必有暑氣內侵。頭熱目暝。吸短神迷。此正虛邪痺。清補兩難。先與益元散三四錢。用嫩竹葉心二錢煎湯。涼用二三小盃。常用棗豆清湯服。第二案 溫邪中傷之後。脾胃不醒。不饑口渴。議清養胃津爲穩。

鮮佩蘭葉 川斛 知母 大麥仁 炒麥冬

起白熱病。熱傷陰絡。血大瀉。自當宗血脫益氣之旨。今脉左大急疾。右小微弱。臍旁動氣。肌膚枯燥。陰分大耗。正當暑月。何以堪此。擬進九龍法。通補兼施。若得動稍減病。可平和矣。

動氣是絡中液燦而結。化爲痰。礙窒氣道故也。生津以滑痰。

則絡得所養。氣行亦暢。而動息矣。

○熟地炭 山查糖油炒 琥珀屑 新絳 沖入藕汁。

脈細數舌絳煩渴時熱病九日邪氣稍衰正氣已虧不

宜再作有餘治。據脈證乃邪陷膈中大氣不能輸轉之象案語無謂。

鮮生地 阿膠 元參 麥冬 知母 麻仁

時熱食復胸痞惡心欲嘔進半夏瀉心法。

炒半夏 川連太苦 枳實 杏仁 薑汁 厚樸

草薢太燥烈 食復最宜顧胃氣且既有食矣自當加健脾消食何用瀉心只降氣

分古用承氣湯即嫌太峻亦宜略仿其例。

又方 人參 山查 枳實 乾薑 薑汁炒半夏

風溫化熱上鬱肺氣咽喉阻塞胸脘不通故呻吟吸呼

不爽上下交阻逆而為厥乃閉塞之甚病在上焦幼

科消食發散。表裏混治。久延必致慢驚莫救。

蘆根 飛滑石 川通草 甜水梨皮 桑葉

冬溫失藏。稚年陰虧陽亢。三陰之陽。當夜分升騰。煩躁

上熱不寧。晝則安康人健。宜用六味磁石方法。

○生六味加磁石辰砂。夜煩晝寧。陰火上沖。方法最合。

暑暈

初病伏暑。傷於氣分。潮熱渴飲。邪犯肺也。失治邪張。逆走膈中。遂至舌縮。小便忽閉。鼻煤裂血。耳聾。神呆昏亂。邪熱蔓延血分。已經入絡。津液被劫。必漸昏寐。所謂內閉外脫。

連翹 銀花 石菖蒲 犀角 鮮生地 元參

至寶丹一粒

脈洪大。煩渴汗出。陽明中暈的。係白虎湯候也。

石膏 甘草 麥冬 知母 粳米

脈濡。懶倦。多汗。口渴。體氣素薄。炎暑燦金。當益氣保水之源。

麥冬 人參 知母 五味子

夏月感冒頭重壯熱無汗煩渴伏暑新涼外束治以辛

香開表

陳香薷 新會皮 厚樸 藿香 甘草 知母

脉濡數中暑暑為陽邪晝屬陽分故張其勢而煩渴夜

靜屬陰邪逼於內則多言讎語皆由體虛邪甚致此

經謂暑傷氣原屬虛證未敢以凝寒苦清侵伐元氣

絲瓜葉三片 金石斛三錢 白知母四錢 飛滑石一錢

水煎濾清候冷沖入西瓜汁一大茶杯

暑熱未盡清竅不利自言神識如迷夜不成寐

竹葉 元參 連翹心 菖蒲 鬱金 川貝

寒熱漸除。間一日復來。卽暑邪入裏之徵。因正氣不振。故也。但煩渴不減。舌胎黃厚。胃中滯濁。猶然不清。河間方法。正宜此證。非是鈔竊舊方。乃去邪務盡之意。

方失當是涼膈散。

暑風入肺。咳痰發熱。四肢無力。微冷。氣喘。神倦。恐邪犯心包。有慢脾驚搖之慮。擬進局方至寶丹。芳香逐暑。使喘緩神安。再商進和脾胃藥。

又案。有汗出。熱緩。神識昏憤。邪熱內閉。未得外越。易變痙厥。進芳香開閉。以逐穢邪。牛黃丸。

又方 生地 甘草 知母 淡竹葉 滑石 銀花
又方 人參 生草 知母 南棗肉 麥冬 茯神

廣皮

舌心黃邊白。渴飲水漿。停胃脘。欲吐。敗證。逆。見。微微冷呃。自利稀。

水。小便不利。診脉堅勁不和。八旬又二暑熱溼邪內。敗象。此真陽之敗也。

著。必脾胃氣甦。始可磨耐。以尊年不敢過用清消矣。

議用清暑益氣方。

人參 茯苓 廣皮 猪苓 石蓮子 川連

黃芩 厚樸 澤瀉 煨葛根

脾胃久虛不復。泄瀉嘔逆。不欲食。喘促腹膨。煩渴無寐。

是虛中挾暑。最慮慢驚。宜和補中土。兼清暑熱。必得

嘔止瀉緩。寢食得宜。庶不致變。

○人參 廣皮 木瓜 大腹皮 川連 泡薑

烏梅 茯神

脉弦。嘔吐。心中懊懣。不納水穀。倏冷忽熱。雖因嗔怒七情。兼有客邪伏氣。汗多不宜表散。清暑和中爲正治。

全是肝邪
犯胃見證

杏仁 半夏 鬱金 茯苓 廣皮 枳實

金斛

今年七月秋暑未除。初病頭痛身熱。是暑由上竅傷及清陽。醫藥當辛涼取氣。同氣相求。中上之輕邪自散。無如辛溫苦寒清滋之類。雜然竝投。水穀內蒸。氤氳不解。見症仍在。身半以上。軀殼之間。非關臟腑大病。能蔬食十日。可解上焦之鬱。

川芎 薄荷 荆芥炭 炒白芷 蔓荆子

菊花蒂 元茶三錢煎湯代水

...

...

...

...

杏仁 半夏 藜蘆 枳殼 枳實

...

...

...

...

溼溫 附疸

陽明濕熱。痞結心下。擬苦降辛泄。則邪自解耳。胃中溼熱上蒸。

故曰陽明。

泡乾薑 半夏 桔梗 杏仁 川連 厚樸

枳實 豆豉 至寶丹

長夏外受暑溼。與水穀之氣相併。氣阻蒸迫。上焦不行。下脘不通。不嗜飲食。目黃舌白。邪結氣分。

杏仁 厚樸 茯苓 薏仁 炒半夏 薑汁

脈緩身痛。汗出熱解。復熱。此水穀之氣與濕併阻於氣分。鬱而成熱。治宜利溼。宣通氣分。溼去熱自解矣。徒進清熱不應。

飛滑石 腹皮 茯苓皮 白蔻仁 猪苓

通草 淡黃芩

舌白渴不欲飲嘔有痰口味皆變頭中空痛兩頰赤此

水穀溼熱氣併鬱蒸腸胃致清濁變混忽然煩燥難

鳴苦況法當苦寒泄熱辛香流氣滲泄利溼無形之

溼熱去有形之積滯自通

亦宜兼顧

淡黃芩 野鬱金 川連 秦皮 白蔻 通草

猪苓 厚樸

徐方鶴 脉緩舌白帶灰黑色心中煩熱汗多渴飲嘈

雜如饑肛中氣墜如欲大便平昔苦於脫肛病雖挾

溼熱寒涼清溼熱之藥味難投擬進和中法

炒麥冬 粳米 川斛 半夏 南棗

徐 左脉數舌白目黃偏身發黃左腰脇間痺痛臥則

氣逆或噎氣或咳嗆則痛不可忍溼熱着於絡中氣

機阻遏不宣況時邪一九日正邪勢方張之候故攻

病藥餌往往難投輕藥為穩

豆卷 白蔻 通草 茵陳 米仁 杏仁

猪苓 澤瀉

雨濕地蒸潮穢經旬人在氣交之中口鼻吸受從上內
侵頭脹腕悶肉刺骨痛蓋肺位最高其氣主周身貫
串既被溼阻氣不運通溼甚生熱汗出熱緩少間再
熱凡風寒得汗解濕邪不從汗解耳仲景云濕家不

可發汗。汗之則瘧。謂溼本陰晦之邪。其傷必先及陽。故汗下清熱消導與溼邪不相干涉也。溼也熱也。皆氣也。能蒙蔽周身之氣。原無有形質可攻。由上不為清理。漫延中下二焦。非比傷寒六經自表傳裏相同。河間暢發此義。專以三焦宣通為法。明張司農亦以苦辛寒主治。總以氣分流利為主。氣通則溼解矣。今兩句不愈。入暮昏厥。厥者逆亂之稱。以邪深入至陰之中。熱蒸上冒。致神明為邪所蒙蔽矣。初溼邪下注。

能運溼下出。釋則氣困難運也。

初則陽氣。

而大便為溇。今則氣窒結閉而大便不通。古稱熱深厥深。又云厥少熱多則病退。厥多熱少則病進。凡厥多隸厥陰也。

案中論溼邪禁汗。却不盡然。但汗之有法。如傷寒中風時時汗出。衛氣不諧。以

桂枝復汗則愈。是有正汗邪汗之分。故風寒亦有得汗不解。溼亦有得汗而解。寒溼陽虛宜溫中。暑溼氣虛宜益氣。俱不得徑行發散。致如水淋漓。

掘地坎三五尺。全無瓦礫。方是真土。入新汲井水。用木棍淘二三百下。取泥漿水。澄清二盞。另以菘豆皮野赤豆皮馬料豆皮各五錢。入地漿水中。煎湯一茶杯許。候溫。入生珍珠細粉約七八分。冰片半釐。勻三次服。

再論暑溼客氣。由上受。以行中道。未按經法。致三焦否塞。逆亂爲厥。厥屬邪深在陰。故取地漿重陰之氣。珠潛水底。鹹寒少佐。冰片辛熱。能開熱痺。直走至陰。以冀厥止。究竟暑溼熱氣。乃無質之邪。瀰漫胸臆。如烟

霧繚繞。諸宗氣營氣無以展舒。焉有知味知饑。彼攻消峻。尅能滌有質之邪滯。非溼結氣分之治也。昔軒岐云。從上病者治其上。且上焦如霧。藉輕揚可以去。賁半月不更衣。斷勿攻下。皆氣窒使然。天溼上受。所謂陽中霧露之氣也。地溼下受。其證兼寒。治法與此不同。

川貝 米仁 兜鈴 白蔻 連翹 射干

通草

舌紅微渴。齒痛味甘。中宮不運。氣鬱之熱未得全去也。

連翹 米仁 茯苓皮 赤豆皮 川貝 白蔻

潘毓翁 中年衝氣。痰升喘急。隨發隨止。從肝腎本病。

治固是地黃。飲子用意。在濁藥輕投。勿以味厚凝滯。未必是。

痰氣但以質能引導至下。變飲爲丸。純是濁藥柔溫。

若歸脾湯甘溫守中養脾之營。更與痰飲衝逆相背。

自七月間反覆必有暑溼客氣從呼吸而受。據述肌

膚間發丹疹浮腫甚速。膜映紅若但內證未必有。

此思夏秋口鼻受氣上焦先傷與肝腎本病兩途上

焦失解。理必延漫中下。而三焦皆爲病藪矣。此脹在

乎脉絡不在腑腸水穀無礙者緣此況久病大虛溫

補不受必當推其至理。伏邪引動宿病仲景論必先

理其邪且口渴便實豈溫熱相宜自言懷抱鬱結相

火內寄肝膽如莖腫囊縱溼壅水漬勉以三焦氣分

宣通方。仿古二虛一實偏治其實開其一面也。

此人痰喘。

熱與痰飲相搏顯然

極是

可、見、非、本、病

極是

語、破、的

極是

東

言黑黃多石真 卷一
必是久風在肺與胃中痰飲相結非肝腎虛也。卽令久病見虛亦與因虛而病者不同。況舊病未除新邪又受豈可作虛治之。所謂伏邪引動痼病。痼病二字不作肝腎本病說。

飛滑石 杏仁 茯苓皮 厚樸 猪苓 通草

白蔻仁

此與第二案方同

舌微黃口微酸苦。腕中微悶。議用溫膽法。合四逆散。

竹茹 生白芍 炒半夏 川連 淡芩

枳實汁 桔梗

目黃舌刺色赤。伏邪餘熱未盡。

鮮生地 麥冬 川斛 蔗汁 竹葉心

花粉 鮮地骨皮 梨汁

不饑不欲納食。仍能步趨。長夏溼蒸著於氣分。陽逆則

頭中脹悶。肌色萎黃。與宣氣方法。頭中脹悶。非陽逆。乃陰逆也。濁氣僭

居陽位。所謂困於溼首如裹也。果是陽逆於上。豈可再用宣氣。

西瓜翠衣 飛滑石 米仁 蘆根 通草

鬱金

脉緩舌色灰黃。頭疼。周身掣痛。發熱不止。乃時疫溼溫

之證。最忌辛溫重藥。擬進滲溼之法。身痛總是兼寒。不得概禁辛溫。

重藥二字有斟酌。

竹心 連翹心 厚樸 木通 杏仁 飛滑石

茵陳 猪苓 厚樸木通。一破氣。一耗津。總宜慎用。

脉左數右緩。舌白發熱自汗。小溲溺痛。身半以上。皮膚

骨節掣痛。皆是溼邪阻痺。慮其清竅蒙蔽。有神昏厥

逆變幻。擬用輕清滲溼方。溼脉多緩。風脉多數。左數右緩者。左主上焦。右主中

焦。溼邪先據。風氣外加。故見此脉。且發熱自汗諸證。風象顯然。

連翹 豆卷 米仁 絲瓜葉 花粉 茵陳

通草 杏仁 飛滑石 風溼不宜此類諸藥。讀金匱便知。

脉細。舌灰白。渴不能多飲。膨悶不知饑。溼溫半月有餘。

病邪雖解。餘溼未盡。良由中宮陽氣鬱遏。失宣暢機

關。故舌喜得香味。理宜護持胃陽。佐以宣濁驅溼。未

可再作有餘攻伐。雖取快一時。貽禍非輕小也。凡溼兼鬱者。脉皆細。兼寒

金匱謂之溼痹。

半夏 人參 厚樸 橘紅 枳實 茯苓

脉轉數。舌紅。面腫消。膚痛汗減。耳鳴咽嗆。肛痔溼中化

熱乘竅。仍清氣邪。佐通營衛。桂枝白虎湯主之。面腫曰風。

腫消則風氣已退。似可不須桂枝。或藉以引入榮分耶。

酒家溼勝於內。暑邪穢氣亦由口鼻而入。內外相因。延蔓三焦。汗多寒熱不解。非風寒從表而散。頭脹腕悶。嘔惡而渴不多飲。兩足反冷。是熱在溼中而來。古稱溼上甚為熱。不與傷寒同論。

杏仁 半夏

茵陳

汗多不用

白蔻

酒家亦忌太辛溫燥

厚樸

廣皮 茯苓皮

六一散

鮮薑蒲

舌白肢厥語錯丹疹背多胸少汗大出。此溼邪著於氣分。邪鬱氣痺。故現外寒。非虛脫也。生地阿膠滋清涼。血則氣溼。愈阻此屬邪鬱。不但分三焦。更須明在氣

在血。

羚羊角

天竹黃

射干

瀉肺陷
疹大忌

川貝

米仁

茯苓

石菖蒲

素有濁陰

此病最多。近皆呼為肝陽。肆用清涼澆灌。

上干之證。近因溼氣淫蒸。新舊合而為一壯

熱。吐苦水。噦上逆。舌色微白。脉小弦。木氣欲升而復

為溼遏之象也。當用苦辛以劫溼邪為主。即仲景先

治新後治痼之意也。

川連

泡薑

炒厚樸

半夏

塊苓

即進一劑。噦少緩。可用黃連溫膽湯一二盞。

邪熱盤踞陽明。體虛不耐重劑。宜輕用苦辛通泄為主。

連翹

杏仁

生香附

橘紅

滑石

鮮荷葉

通草 銀花

又方 米仁 連喬 銀花 橘紅 通草 青荷梗

脉弦緩。面目肌膚皆黃。舌白滑膩。胸脘膈間脹閉。病名

溼溫。由瀕海潮溼氣入口鼻。至募原。分布三焦。此爲

外因。仍食水穀腥物。與外入穢濁之邪。兩相交混。溼

甚。熱鬱三焦。隧道氣血不通。遂變黃色。發汗不愈者。

溼家本有汗也。清熱消導不愈者。熱從溼中而起。溼

不去則熱不除也。夫溼邪無形質。攻滯乃有形。治法

其不效宜矣。昔河間治溼熱。必取乎苦辛氣寒。蓋苦

降以逐溼。辛香以祛穢寒。取乎氣藉氣行不閉。寒於

內也。當世醫者混以傷寒表裏爲治。殊不知穢溼氣

入口鼻。游走三焦。不與傷寒同治。

綿茵陳 白豆蔻 厚樸 川通草 廣皮白炒

茯苓皮 半夏麩 塊滑石

溼濁內蒸。癩熱發黃。三焦壅遏。濁氣迷漫。又非有形質

滯。此辛香逐穢宣通。是一定法。日期既多。恐濁閉神

昏。另以銀花湯化至寶丹二粒。

綿茵陳 白豆蔻 茯苓皮 厚樸 煨草果

滑石 杏仁 木通 鮮菖蒲根汁

復診

綿茵陳 厚樸 江枳實 草果仁 細木通

黑山梔 雲茯苓 黃柏

痰滯得穢濁膠結。溼中熱起。蒸變發黃。腕中痞悶。病在氣分。兩進消導理氣。面目黃色略減。而痞結如故。議與治疸疎滯兼以蘇合香丸逐穢爲法。

茵陳 草果仁 枳實 厚樸 廣皮 木通
暮服蘇合香丸一丸三服

復診

生白朮 茯苓塊 茵陳 猪苓 厚樸 滑石
澤瀉

望色萎瘁晦黯。聞聲呼吸不利。語音若在甕中。診脉右

此證獨重

緩左急。問初病忽熱忽溫。頭中如裹。腰痛欲拊。捫神

識呆鈍。昏昏欲寐。肢節痠痲。咳痰映紅。溺溲短縮。便

言異... 卷一
三

漉帶血不饑不渴。環口微腫。脣乾不紅。舌白糜腐。此水穀酒腥溼熱相併。鬱蒸阻撓清氣之游行。致周身氣機皆令痺塞。夫熱邪溼邪皆氣也。由募原分布三焦。營衛不主循環。升降清濁失司。邪屬無形。先著氣分。時師橫議表邪宜汗。裡滯宜消。見熱投涼。殊不知熱由溼鬱。氣行熱走。仲景於痙暍從溼化。忌汗忌下。明示後人勿傷陰陽耳。但無形之邪久延。必致有形。由氣入血。一定理也。據色脉證參之。末見或可採用。

觀前列諸證。肝家受傷頗重。蓋房室不節所致。證頗難愈。恐非下方所能效。

羚羊角

茵陳

銀花

連翹

通草

大腹皮

茯苓皮

猪苓

澤瀉

至寶丹

脉浮緩。身熱不止。汗出不衰。此風溼鬱表。痰熱爲黃擬。

麻黃連翹赤小豆湯

麻黃汗多者忌。以其迅也。東垣勝溼用羌活。不必泥古。

麻黃

杏仁

生梓白皮

生薑

連翹

細赤豆

甘草

大棗

天雨水煎

面目悉黃。微見黑滯。煩渴腹滿。左脉弦數。右脉空大。此內傷發黃。爲厥陰肝木太陰脾土二臟交傷之候也。

夫肝爲風藏。其性喜伸而惡屈。鬱則木不得伸而屈矣。鬱極則其氣盛而風乃發。風發必挾其勢以賊脾。脾爲溼土之司。土受剋而氣不行。則溼勝矣。風性雖善行。遇溼以留之。反壅滯經絡而不解。由是溼停熱。瘀而煩渴有加。其發黃也必矣。雖曰風溼所致。實由

木亢而不寧。土困而不舒。非外來風溼之比。況黑色

見於面。則知并傷其腎。以脾病不行。胃中穀氣入腎。

腎然陽氣不伸。面色亦黯。

反將脾中濁氣下流。故於黃中見黑。滯耳。即其腹滿。

亦是中氣不行。虛熱內壅。非結熱當下之比。若誤下

之。則藏氣空虛。風從內生矣。若誤汗之。則陽氣外解。

溼愈不能行矣。為商治法。平肝之亢。扶土之虛。兼解

鬱熱。以清氣道。除溼蒸。而和中氣。此案不似先生手筆。

人參 白朮 白芍 黃連 山梔 歸身

丹皮 茵陳 秦艽 柴胡 甘草 半麴

東山 六十 血痺氣滯。腹中不利。而大便燥。夏季以柔和

辛潤。交霜降。土旺之運。連次腹痛。目眚變黃。此非黃

疸。是溼熱瘀留阻壅乃爾。病證只是脾滯。恐其本由於腎水不足。

炒桃仁 郁李仁 芫蔚子 冬葵子 菠菜葉

暑溼乃夏秋時令之病。其邪先着氣分。氤氳蒙昧有形。無質醫投攻奪。乃有形治法。氣傷陽損。至今肢冷滯泄。何一非陽微腫脹之徵。此宜溫補下中。莫治眼前。

人參 白朮 木瓜 淡附子 益智仁

炒廣皮 厚樸

淮海水鹹土潮水土異氣。白口鼻受入。必聚募原。溼邪久鬱化熱。陽明絡損。血溢咳嗽。視目黃面亮。顯然溼熱變痰。況病已數年。若是陰虛。必不能延。久至今也。

從溼熱例治

杏仁 厚樸 米仁 赤茯苓 塊滑石

綿茵陳

今年二三月久雨陰晦入山行走必有瘴氣溼邪著於脾胃腹中脹閉溇瀉挾積溺赤不爽目眚肌肉悉黃夫溼為陰邪鬱久必熱熱自溼中而出當以溼為本治

生茅朮 炒厚樸 猪苓 草豆蔻 新會皮

綿茵陳 澤瀉 茯苓皮 木香汁磨入

秋深會診擬議此病為裏溼更傷瓜果辛甘寒分利脾陽又受辛寒之累致濁氣聚形頻遭食復陽屢被戕凡身中脾陽宜動動則運腎陰宜藏藏則固斯為病

根局方大健脾丸。仲淳資生丸。多以補虛通滯。芳香合用者。取其氣通濁洩。人參補正之力得矣。

人參

茯苓

益智仁

煨木香

厚樸

新會皮

脉大弦緩。目黃。納食後中脘滯痛。腹鳴泄瀉。夏病至深。冬未安。緣瀕海潮溼久蒸。兼以懷抱少暢。脾胃之陽日困。所受水穀之氣少運。清濁升降失度。外因六氣未去。留連脾胃內傷。法當辛香調氣醒中。陽氣流行。溼鬱可祛。腥羶重味宜忌。

煎方

杜藿香

煨木香

生茅朮

草果

陳皮

生香附汁 茯苓

厚樸

服十少加桃仁山查劑降香更好陳皮

厚樸微嫌傷氣久病慎用。

丸方

○生於朮 人參 益智仁 生茅朮 砂仁

茯苓 小青皮 厚樸 新會皮

脉微弱而細鼻準獨明晝日形冷汗泄不饑少納脘腹

常痞泄氣自舒此陽氣失護衛而寒慄汗出陽失鼓

運而脾胃氣鈍前進養營亦主中宮想因血藥柔奠

陽不驟甦初進甚投接用則力疲矣詢其不喜飲湯

舌頗明潤非邪結客熱之比議用理中湯法端以脾

胃陽氣是理不獨治病兼可轉運妙旨日前之藥昔賢以

瘧稱謂脾寒。重培生陽。使中州默運。實治法之要旨。

人參 生芍 熟朮 附子 茯苓 乾薑

身重。汗出。疼痛。脉浮緩。此風溼相搏於太陽之表。陽虛邪客。當通營衛以固表。擬桂枝附子湯。

○製川附 桂枝 甘草 生薑 大棗

夏月足跗肌浮。是地氣著人之溼。傷在太陰陽明。初病失血。繼而嘔涎拒食。此脾胃溼傷。漫延乃爾。

五苓散去澤瀉加 益智 厚樸 滑石 陳皮

王季子孫 維德 維新 維文

夫也 亦也 亦也 亦也 亦也

夏且 且也 且也 且也 且也

甘草 甘草 甘草 甘草 甘草

甘草 甘草 甘草 甘草 甘草

甘草 甘草 甘草 甘草 甘草

甘草 甘草 甘草 甘草 甘草

甘草 甘草 甘草 甘草 甘草

時疫

臭穢觸入游行中道。募原先受分布三焦上下。頭脹腕悶。洞泄以芳香逐穢法。

藿香梗 生香附 茯苓皮 白豆蔻 飛滑石

炒厚樸 新會皮

此吸受穢濁。募原先病。嘔逆邪氣分布營衛。熱蒸頭脹。身痛經旬。至神識昏迷。小溲不通。上中下三焦交病。舌白渴不多飲。仍是氣分窒塞。當以芳香通神。淡滲宣竅。俾穢濁氣由此分消耳。

不通草 猪苓 茯苓皮 米仁 淡竹葉 腹皮

至寶丹

穢濁不正之氣擾中痞悶惡心頭疼煩渴形寒內熱邪不在表未可發散

杏仁 萹皮 滑石 通草 白蔻 鬱金

花粉 連翹

目赤脣焦齒燥舌黑嬉笑錯語發噦發斑溫毒遏伏之

象

菉豆殼 銀花露 方諸水 犀角 川貝母

人中黃 蘆根汁 徐徐溫服

又方

金汁拌浸人參 銀花露 鮮菖蒲 元參

鮮生地 羚羊角 真金箔

時疫發熱。腕悶惡心。斑發不爽。神煩無寐。舌色轉紅。邪熱將入營分。雖胃滯未清。亦宜先清營熱。勿得滋膩爲穩。觀證。苟令邪入包絡。便是不治。凡熱由氣分蒸入心包者。易治。由血分壞及心包者。難治。所以先清營熱爲急。先生真有識力。

鮮竹心 元參 連翹心 鮮菖蒲 銀花

川貝

陰液損傷。陽氣上冒。衄血欬痰。理宜和陽存陰。冀津液稍復。望其轉關。至於疎滯解表。和表諸法。自然另有高見。非敢參末議也。

秋石拌人參 阿膠 鮮生地 麥冬

脉奕咳痰欲嘔。饑時甚。雖是時邪未清。高年正虛。理宜

言部 卷一
養胃陰金匱麥冬湯。

麥冬 人參 半夏 甘草 粳米 大棗

胃津既傷肝風上擾神迷肢震面浮欲喘病勢危險勉
擬救胃陰方。

人參 麥冬 生甘草 白粳米 炒半夏

南棗

時疫六日不解頭疼發熱舌絳煩渴少腹痛劇已經心
包慮其厥瘳。

犀角 連翹心 銀花 元參 通草 鮮生地

又方

犀角 鮮生地 元參 麥冬 川貝

傷寒中寒

高年氣血皆虛。新涼上受。經絡不和。腦後筋掣牽痛。陰氣安靜。乃陽風之邪。議用清散輕劑。

新荷葉 青菊葉 連翹殼 藁本 苦丁茶

口苦惡熱。腹滿虛煩。汗出。此陽明證也。內經云。邪中於

面。則入於膺。而未全歸腑。故有是證。擬仲景梔子厚

樸湯。

內經云。邪在胃。逆在膈。故陽明有口苦證。

香豉 梔子 厚樸 連翹 枳殼

三益號。勞倦吸入冷氣。營衛不行。則形寒戰慄。今中

焦未醒。宜和脾胃。

當歸 白芍 桂枝 炙草 大棗 煨薑

何以加當

歸若因勞倦。何不加參加朮。凡小勞傷氣。在脾肺。大勞傷筋。乃及肝腎。

凡三陽證邪未入裏歸腑。尚在散漫之時。用承氣湯誤

下之。則熱不解而下利。神虛妄言見矣。擬苦清以通

腑氣。仍用葛根解肌開表。斯成表裏兩解之法耳。

葛根

黃芩

黃連

甘草

此熱內陷。欲成痞。而表仍未解也。舒氏注

傷寒論疑之。淺矣。苦清何能通府。凡誤下。有傷津傷氣兩途。傷津者。或變白虎。或變承氣。傷氣者。為結胸痞氣。更有下利不止。脈微欲絕者。各因其逆而救之。若津氣俱未傷。仍從本病治。

脈微。下利厥逆。煩躁面赤。戴陽顯然。少陰證。格陽於上

也。用白通去豬膽汁。以膽汁亦損真陽也。

泡生附子

乾薑

葱白

煎好沖入人尿一杯

脈沉微。下利嘔逆。身痛四肢厥冷。少陰中寒。應四逆湯

急救其裏

生炮附子 乾薑 炙甘草

脉沈微腹痛吐利汗出太陰寒傷擬冷香飲子

泡淡附子 草果仁 新會皮 甘草

煎好候冷服

瓜果水寒暴涼迅風內外兩因舌白渴不能飲腕中脹
滿煩不肯寐身無熱頭不疼微嘔此足太陰中寒已
經冷汗肢厥脉弱濡伏醫猶以疲敵方藥正如隔靴
搔癢矣

生草果 生於朮 藿梗 淡乾薑 厚樸

丁香柄

效... 藥... 效... 藥...

... 效... 藥... 效... 藥...

... 效... 藥... 效... 藥...

... 效... 藥... 效... 藥...

效... 藥...

效... 藥... 效... 藥...

效... 藥... 效... 藥...

效... 藥... 效... 藥...

效... 藥... 效... 藥...

燥

中氣素虛形寒飲冷遏伏暑溼之火蘊於膈中劫津耗

液盡從燥化肺氣不能下輸腸胃燥滿不行下之遂

逼血下行血既下奪亦云竭矣陰不配陽汗從外泄

即為上厥上厥下竭肺經獨受燥累急進清燥救肺

湯以回陰液傷寒論有當汗不汗則致衄之條是血

看。再火蘊膈中而肺氣不轉所以便致下血者以

肝血沸騰而溢下也。方中清肺必兼涼肝。再寒從

外束內熱無泄鼓血妄行治宜涼潤清裏辛散疏表

趙養葵有透汗以止血之論為徐靈胎所斥而實有

妙旨此等汗法宜輕迅不傷血

枇杷葉 人參 麥冬 桑葉 阿膠 杏仁

生石膏 竹葉

繼進方

羚羊角 棗仁 茯神 山梔皮 黑豆皮

枇杷葉 麥冬 蔗汁 鮮菖蒲

再進方

小生地 人參 阿膠 茯苓 黑豆皮

枇杷葉 青蒿 麻仁 麥冬

脉來和靜。舌胎已退。但時或煩熱。胸中未適。此皆燥邪未盡之徵。是以神識尙未全復。究竟必以滋燥爲先。

阿膠 枇杷葉 麥冬 川斛 山梔 北沙參

茯神 菖蒲

邪脉悉退。微遲和緩。用平調營衛。胃氣自復。復脉湯主。

之。

○人參 麥冬 炙草 阿膠 茯神 白芍

麻仁 五味 炒生地

肺家留熱。頻年嗆發。據說痘後有此。長夏諸陽升騰。而

霉天反燥。當清肺之急。迫潤肺之燥烈。恐當有伏風。非留熱也。久

風能化
漆熱。

清阿膠 枯黃芩 南花粉 地骨皮 萊豆皮

久熱五液全耗。陰傷非謬。頻渴安受梨蔗。晡起寒熱。倏

然而至。驗及舌色絳赤。顯然由臟絡之空隙。致陰弗

交戀其陽。按經義從下交合。難見速功。肝腎病必累

及躄維所致。

人參 知母 麋角膠 元武版

用白虎法渴煩少減略饑必形神奕倦津液既遭熱迫陽明脉絡自怯當以清燥法清氣熱以涵液。

人參 麥冬 知母 石膏 生地 阿膠

甘草

上燥治氣下燥治血此爲定論今陽明胃汁之虛因久痛嘔逆投以香燥破氣津液劫傷胃氣不主下行腸中傳送開閤皆失其職司經云六腑以通爲補豈徒理燥而已仍議清補胃陰爲法

鮮生地 甜梨肉 天冬肉 人參 生白蜜

脉虛數喉乾舌燥欲咳乃陰虧於下燥燥於上非客病

也。

生地

熟地

天冬

麥冬

扁豆

丁丑

...

...

...

...

...

...

...

...

...

...

眩暈

陽微陰聚。致濁氣蒙蔽。清神苓桂不應。議用大半夏湯。合附子粳米湯法。

半夏 人參 白蜜 附子 白粳米

壯年形體充壯。時見眩暈。目淚暗出。前議脉濡。大便久澇。用白朮益土。桑葉泄木。入冬尻骨跟痛耳鳴。皆下少攝納。當固其下虛。不致內風自動。

九蒸首烏 補骨脂 炒黃甘菊 兔絲子

鱈魚膠 蒺藜 炒 枸杞子 膠汁搗丸

頭中清竅痺窒。風火挾陽上升。味變酸濁。明是火化。火

鬱發之。治從經旨。以茶調散一錢。臥時用真苦丁茶

一錢五分煎汁調服。俾上竅內膜無阻。冀有小效。

藁本 辛夷 蒼耳子 蔓荊子 川芎 菊花

苦丁茶為末

茹素胃弱。向係肝陽熱熾。今微眩耳鳴。心怔。議甘以養

胃。緩熱。少佐酸味。

甘酸是治虛陽上冒定法。

○酸棗仁 柏子仁 炙甘草 鮮白藕汁

大生地 甜細真 北沙參 大麥冬

雲茯苓 萸肉炭

肝風上巔。頭旋耳鳴。麻痺足寒。微嘔便瀉。經阻三年久。

病治從血絡中法。

此厥陽上逆。不能順降。亦不能旁通也。治宜潛陽。仍宜助陽氣旁達。

從血絡治。原不甚錯。但方味不合。

菟蔚子 柏子仁 枸杞子 料豆皮 製首烏

甘菊 此豈通絡之劑。不但不能
鼓舞旁通。亦并不能降納。

Blank columns for text.

類中風

精血五液衰奪。陽化內風。上巔則眩暈欲厥。乘絡則四末痠痺。老年有此。斷非攻邪可却。古方侯氏黑散。取乎培實孔竅者緣此。

熟地

杞子

藕汁

河車膠

紫石英

甘菊炭

茯苓

人乳粉

熬膏下用蜜

肝風不熄。都因天熱氣泄。高年五液皆少。不主涵木。身中衛陽亦少擁護。遂致麻木不仁。丹溪所云麻屬氣虛。血少便艱也。苟非培養元氣。徒以痰火風爲事。根本先怯。適合召風矣。議用三才湯。合桑麻。滋肝養血。

熄風治法

雖以生津補水爲重。亦宜略加鼓舞衛陽之品。

天冬 地黃 人參 胡麻 桑葉 首烏用生

奔走煩勞。暴熱上蒸。致身中陽氣不交於陰。四肢麻木。內風屬陽之化。左屬肝。肝性剛。柔劑為宜。若用酒藥。益助其動陽。是矛盾矣。

生地 天冬 白藕汁 沙蒺藜 桑寄生

女貞子 炒枸杞 川石斛

心悸如饑。頭暈肢麻。此乃內起肝風。汗多淋漓。氣弱陽洩。近日肌浮腹大。木傳土也。做丹溪養金制木。使脾少賊邪之害。

阿膠 天冬 生白芍 細生地 麥冬

明天麻 菊花炭

口齒骨節不開。咽喉痰壅。溺阻肌浮。是皆氣分閉塞。經
言諸氣臞鬱。皆屬於肺。肺象空懸。凡重劑竟走腸胃。
故久治不效。

麻黃

杏仁

滑石

牛蒡子

馬兜鈴

生甘草

射干

馬勃

楓橋

四十三

此肝病也。肝屬木。主筋。木藏內。寄風火情。

志不適。熱自內起。爍筋襲脉。肢體爲之牽強不舒。惟
怡悅靜養。可希漸愈。藥無除根之理。

何首烏

枸杞子

桑寄生

當歸身

杜仲

沙苑蒺藜

脉左大右濡。肝風震動。陽明脉空。舌強肢栗。是屬中絡。

議用緩肝熄風。

大而濡是類中常脉。水虛木亢火盛土衰之候。

連翹 丹參 元參 茯神 細生地 羚羊角

交冬宜藏。老年下虛。二氣少續。忽然右癱。舌瘖。面亮戴

陽呵欠。吸氣短欲噎。此非外來客邪。皆根本先怯。平

昔眩暈。肝藏虛風顯然。水不生木。坎中真陽內寓。必

溫理其下。凡陽主乎通。陰主乎攝。扶過七日。少陽主

氣再振。望其偏廢延永。倘攻風劫痰之治。非本氣自

病法則

○人參 熟附 遠志 茯神 鮮菖蒲 搗汁沖

右癱。舌瘖足痺。頭岑面戴。陽呵欠。微呃診脉。小濡而緩。

此腎納失司。肝風震突。但病起耳後暴腫。必兼溫熱。

客氣清上輕揚腫勢頗減七日以來當陰陽經氣一
小周天不必以時邪引病為惑昔河間宣明方論中
謂舌強難言其咎在乎舌下筋脉不主流動以腎脉
縈及舌本耳其主地黃飲子取意濁藥清投機關漸
靈并無礙乎上氣痰熱做此法

○熟地

肉蓯蓉

漂淡

遠志

炒黑

川石斛

茯神

枸杞子

牛膝

石菖蒲

脉上左部稍振水虧木中風動左牙痛蓋風從內旋乃

陽之化風祇以春深地氣上升之候多升少降無非

下元不司收納虛證何疑况因目恙頻用韭子烟薰

但不腫為異更有不紅者

查本草藥性辛辣升騰助陽孫真人於遺濁用之藉

其升陽以涵陰更無漏泄耳。今痲中八日。聲音漸振者。乃精氣略有寧靜。裏竅略有靈機。是順境也。乃不明此理。仍用辛以泄氣。加人參。亦是清散上焦之藥。以肝腎藏虛在於至陰。若再投辛以傷其陰。必致虛證。蜂起焉。望其向安。倘必以上有火熱。古稱實火宜清。虛火宜補。溫養柔和。與溫熱剛燥迥異。幸勿疑訝。

生地 川斛 麥冬 茯神 阿膠 女貞子

十一日來。干支一輪。右肢痿木。右跗足略有痛象。舌竅未靈。味少甘美。虛象顯然。三日前。主家以齒痛爲熱。醫迎主見。卽投辛涼解散。此證虛在肝腎下焦。若不固納維本。漫無着落。仍以前法。加入涼肝可也。

熟地 枸杞 牛膝 遠志肉 茯神 川斛

天冬 甘菊炭

張石頑治春榜趙明遠。平時六脉微弱。已酉九月患類

中風。經歲不痊。邀石頑診之。其左手三部中風之善脉也弦大而堅

知爲腎藏陰傷。壯火食氣之候。且人迎斜內向寸。又

爲三陽經滿溢入陽維之脉。是不能無顛仆不仁之

虞。右手三部浮緩而氣口以上微滑。乃痰沫壅塞於

鬲之象。以清陽之位而爲痰氣占據。未免侵凌心主。

是以神識不清。語言錯誤也。或者以其神識不清。言

語錯誤。口角常有微涎。目睛恆不易轉。以爲邪滯經

絡。而用祛風導痰之藥。殊不知此本腎氣不能上通

於心。心藏虛熱生風之證。良非燥藥所宜。或者以其

小便清利倍常。以為腎虛。而用八味壯火之劑。殊不

知此證雖虛。而虛陽伏於肝臟。所以陽事易舉。飲食

易饑。又非益火銷陰藥所宜。或者以其向患休息久

痢。大便後常有痰紅漬沫。而用補中益氣。殊不知脾

氣陷於下焦者。可用升舉之法。此陰血久利之餘疾。

有何清氣在下。可升發乎。若用升柴。升動肝腎虛陽。

鼓激鬲上痰飲。能保其不為喘脹逆滿之患乎。是升

舉藥不宜輕服也。今舉河間地黃飲子助其腎。通其

心。一舉而兩得之。但不能薄滋味。遠房室。則藥雖應

病終無益於治療也。惟智者善為調攝。為第一義。此

蓋

全錄石頭
案以爲式

熟地

巴戟天

菘蓉

山萸肉

茯苓

薄荷

淡熟川附

肉桂

五味子

麥冬

川石斛

遠志

鮮石菖蒲

宜去茯苓肉桂加牛膝
天冬白芍青皮桂枝

入冬天暖陽不潛伏質瘦脂虧稟乎木火血液既少內

風暗動遂致眩暈麻痺陡然仆倒水不生木肝陽橫

逆絡血流行右阻謂之偏枯忌用攻風逐痰清邪涼

血漸致其和交節不反原可扶病延年

犀角

羚羊角

鬱金

元參

連翹心

鮮菖蒲

川貝母

橘紅

色蒼肉瘦。形象尖長。木火之質。陰液最難充旺。春間欬

嗽。雖係風溫外邪。但既屬陰虧。冬藏先已不固。因欬

逆震動。浮陽上冒。清空自阻。用藥宜取沈靜質重。填

陰。鎮陽。方是閱方辛氣。居半與磁石相阻。從容陰中

之陽。亦非收攝不效宜矣。此因咳震動浮陽。前溫

只是咳嗽能使津液真氣皆越於外。故他病以由府

入藏為漸深。獨欬以由藏出府為漸重。為真元日瀉

也。
○大熟地 靈磁石 萸肉 五味子 牡丹皮

雲茯苓 阿膠 懷山藥 澤瀉 龜版

形瘦身長。稟乎木火。肝風內動。挾火上巔。忽然眩厥。跌

仆。況陽舉遺濁。陰分久虛。擬壯水之主。以制陽光法。

大生地 大熟地 天冬 麥冬 鹽水炒川柏

肝陽化風為厥。腎液下衰。水不生木。而藏納失職。此壯

盛年歲。已有下虛上實之象。大意養腎主以溫潤。治

肝須得清涼。乃仿複法之方。溫不取辛。則不入肝。燥血可以並行不背。

大熟地 茯苓 遠志 菴蓉 鹿茸

柏子仁 補骨脂 懷牛膝 黃柏 天冬

精羊肉煮爛搗為丸

偏枯證。風論云。邪中五臟六腑之俞穴。各入門戶。為病

則四肢不舉。然陽主左而陰主右也。又云。汗出偏沮。

使人偏枯。此外感之邪。或營衛皆虛。邪乘虛入。或虛

風內動。皆有之。醫者治之當補正以逐邪。未可逐邪

而不顧本元。然治之之法。以陽明為主。

生耆 白芍 當歸 防風 骨續 斷 乘 草 薺

蠶砂 橘紅 虎骨 秦 芩

補腎丸 偏正續命丹 五淋六淋之命穴 各人門可為辨

酥羊肉煮散 煨 鱉 肉

酥干口 酥骨散 麝半 蠶 黃 餅 天 冬

大 燄 風 苳 荅 藜 藜 荅 荳 蔻 乳 茸

孤 康 骨 黃 新 氏 母 麝 香 之 衣 藥血可以並行不肯

聖 手 藥 石 官 不 服 生 質 之 藥 大 意 養 胃 主 以 補 氣 血

和 氣 骨 蒸 濕 爛 習 難 不 衰 水 不 生 水 煎 煎 煎 煎 煎 煎 煎

大 生 風 大 燄 風 天 冬 麥 荅 鹽 水 炒 出 煎

痹

脉微而濇。微爲陽氣虛。濇爲陰血傷。去冬已下。肢獨冷。步趨無力。高年內乏藏納之司。入夏身動加喘。肉腠麻痺若蟲行。此眞陽失蟄。胃陽失護。生生意少。豈攻病藥石所宜。喻嘉言先生所謂大封大固。莫令眞陽泄盡而暴脫。皆爲此也。錄嚴氏三因方。

人參 白朮 附子

當風受涼。遂致左偏麻木。已經三載。今年勢緩。痛聚於腰。寒冷煩勞。痛甚。此氣血凝遏。壯年不爲大害。議以酒醒之。是治風先治血之意。

○當歸

沈香

川芎

松節

生於朮

海桐皮 片薑黃 黃芪 桂枝 羌活

沒藥 虎脛骨

左脉如刃。右脉緩濇。蓋陰虧本質。暑熱為虐。水穀氣蒸。溼流肢末。遂成攣痺。已經泄瀉。食減陽明脉中氣衰。極矣。緩治可以冀功。

○生於朮 茯苓 狗脊 茅朮 仙靈脾 獨活

防己 靈仙

溼痺絡脉不通。用滲溼苦溫藥小效。但汗出形寒。泄瀉食減。陽氣大衰可知。難以溼甚生熱例治。通陽宣行。以冀脉絡流通。

生於朮 茯苓 附子 米仁 金毛狗脊

葶藶

周身掣痛。頭不可轉。手不能握。足不能運。兩脉浮虛。浮雖風象。而內虛者。脉亦浮。而無力。以脉參證。當是勞倦傷中陽。明不治之候。陽明者。五臟六腑之海。主束筋骨而利機關。陽明不治。則氣血不榮。十二經絡無所稟受。而不用矣。衛中空虛。營行不利。相搏而痛。有由然也。法當大補陽明氣血。不與風寒溼所致成痺者同治。

人參 黃芪 歸身 甘草 桂枝 秦艽

白朮

患痛風發熱神昏妄言見鬼手足瘳癢大便不行此少

陰腎氣受傷也。腎既受傷，病累及肝。肝旺火熾，神明內亂，木合火邪，內入則便閉，外攻則身痛。法當滋其內，則火自熄，風自除，痛自止。脫陽者見鬼，謂陽氣下脫也。而陽氣外散，神明不固者亦然。肝燥妄泄，厥陰不合，則魂散故也。

生首烏 萸仁 桂枝 秦艽 桔梗 黃連

知母

枳殼

據案此證不宜疏肝，當用酸甘化陰法，方用苦辛不合。

服一劑證轉減，但心神不安，身體如在舟車，此腎氣虛而肝肺爲之不治。正內經子虛母亦虛也。母病子亦病也。夫肝藏魂，肺藏魄，二藏不治，故魂魄爲之失守耳。前方既能見效，則發熱神昏必兼外感，而前案但力發陰虛，何也。

人參 甘草 生地 麥冬 遠志 棗仁

羚羊角 人川貝 橘紅 茯神

脉左大堅弦。肝風震動。脾胃絡脉不和。不知饑。不安寐。

口流涎。右肢腫。當兼理中焦之絡。議用茯苓飲法。

茯苓 枳實 人參 炙草 半夏 廣皮

遠志炭

患風三月。周身流走。作腫。手不能握。足不能履。診其脉

浮大而數。發熱口乾。此陰虛生內熱。熱勝則風生。况

風性善行。火熱得之。愈增其勢。傷於筋脉。則縱緩不

收。逆於肉理。則攻腫為楚也。

○生地 黃芩 黃連 酒炒 紅花 羌活

俞天音 脉左大。舌乾白胎。腫痛流走四肢。此行痺喘

急不食二十日外矣。

○羚羊角 木防已 白芍 桂枝 杏仁 薑黃

風溼分治。頗為有理。

行痺日久時愈時發脉來六至溼熱居多。今關節腫痛。遊走不定是溼熱中又挾風火矣。總宜養血清熱兼用風劑庶幾有中病情耳。方

肩背肢末皆陽氣游行之所牽掣不和是絡脉中病。首用東垣舒經接用參芪朮附兩法不應必客氣襲入脉中灸刺無功議用酒醴通和血脉。

鑽地風 五兩

千年健 五兩

大黑豆 六兩

三味投入無灰酒十斤隔水煮一日早晚暖服三

四孟

驟然驚駭。經府氣亂。有失常度之流行。是以腫脹無定所。飲食如常。病不在裏。何得紛紛雜治。調其氣血。以俟營衛宣通。

桑枝 遠志 歸身 桂枝 鈎鈎 白蒺藜

痿

精傷痿躄。尻髀跗脛皆如槁木。不知冷熱。糞黑腸枯。用潤劑通陰中之陽。病人自覺熱從內起。略有活動。但係沈痼之病。未許其能却疾也。

鹿茸

當歸

枸杞子

熟地

虎骨膠

舶茴香

沙蒺藜

牛膝

脉沈而遲。向有寒疝痕泄。繼而腸血不已。漸漸跗膝麻木無力。此因膏粱酒醴釀溼內著。中年腎陽日衰。肝風肆橫。陽明胃絡空乏。無以束筋。流利機關。日加委頓。乃陽虛也。倣古劫胃水法。

此宜桂附與知柏同用。

生茅朮

人參

厚樸

生炮附子

陳皮

足跟筋骨痛。不能履地。漸至延及腰脊。向患遺精。此肝腎精血內耗。將成痿躄也。

生精羊肉 炒當歸身 舶茴香 老生薑

陽明之脉。主束筋骨而利機關。今行走皆艱。納穀甚少。

腹中氣攻頭痛。自悲憂五年。日加衰憊。如靈樞經論

痿云。意傷於憂愁。則肢廢也。見本神 凡人卒有大悲。則心酸而四肢皆栗

是也。

枸杞 當歸 防風根 黃芪 沙蒺藜 元參

牡蠣 羚羊角 方無紀律

手足軟。不能坐立。是屬痿也。痿證內經歷言五臟之熱。髓枯骨軟。治應苦堅滋營。今之醫者。多作陽虛治之。

痿證不愈。皆由是也。

虎潛丸

上年起病。食物不甘美。頭暈耳鳴。足力痿軟。年周甲子。向老日衰。下元元炁漸漓。水乏生木之司。液少則肝木內風鼓動。木乘胃土。必食無味。風陽上巔攻竅。上實下虛。醫爲腎虛。萸地填陰。原不爲過。但腎水內寓真火。宜濫。肝木相火。宜涼。凡益腎。取乎溫。養必佐涼。肝以監制。方無偏黨。是證倘加暴怒煩勞。必有卒中。之累。戒酒肉濁味。上氣肅清。填下無痰火阻礙。清閑怡悅。五志氣火不燃。內起之病。關係臟眞。不徒求治於藥也。

熟地 石斛 天冬 菊炭 巴戟肉

肉苁蓉 沙蒺藜 炒白芍 懷牛膝 線魚膠

蜜丸打入青鹽四兩

病始足脛乃自下焦肝腎起病其形不腫則非六氣溼邪當從內損門痿躄推求莫地滋滯久服胃傷食減嘔逆皆因濁味滯氣而然經年不復損者愈損臟真不能充沛奇經八脉不司其用經云衝脉為病男子內結七疝女子帶下瘕聚夫衝脉即血海男子藏精女子繫胞今精瀝內結有形四字有學問是精空氣結亦猶女子之瘕聚也凡七疝治法後人每宗張子和但彼悉用辛熱與今之精空氣結迥殊久病形消肉脫議以精

血有情。涵養生氣。

鮮河車一具。水煮搗爛。入山藥建蓮末拌勻。丸如桐子大。清晨人參湯送下。

瘖啞而痿者。內經謂之瘖痺。此陽盛已衰。入於陰也。由勞傷其腎。耗奪真陰。當以內養爲主。非草木之藥。所能挽回也。

河車大造丸

河車龜板黃柏杜仲牛膝天冬麥冬人參地黃

陽明脉衰。厥陰風動。經絡交虧。麻木痛痺。肢節重著。久而成痿。當以護陽之劑。

黃耆

杞子

製川附

續斷

防風

白芍

遠志

首烏

陳家橋 三十六 濁止足腫膝首腫痛病起夏秋必接地
氣之溼溼自下受酒客內溼互蒸內外合邪湯藥決
不取效。

蠲痛丹 一錢 六服

宿遷 四十七 冬月涉水水寒深入筋骨積數年而脛膝

骨冷筋縱病在下為陰水寒亦是陰邪久則氣血與
邪混亂草木不能驅逐古人取蟲蟻佐芳香直攻筋
骨用許學士法。

炒烏頭 全蝎 麝香 飛麩火酒泛丸

南京 廿八 環跳筋骨痠痛少年精傷陽維脉少護衛

當歸 巴戟 生虎脛骨 枸杞 沙苑蒺藜

川牛膝 羊內腎搗

崑山 六十一 老年形寒足痿。瘡痰。男子下元。肝腎先衰。

眞陰少承。五液變痰。倘情懷暴怒。內風突來。有痺中之憂。戒酒節勞。務自怡悅。壯其下。以清其上。是根本治法。

熟地 萸肉 淡菴蓉 川石斛 青鹽

枸杞 淮牛膝 鹿角膠

海鹽 四十二 據述緣季秋外邪變瘧。延及百日始愈。凡

秋瘧。是夏月暑溼熱內伏。新涼外觸。引動伏邪而發。俗醫但知柴葛解肌。暑溼傷在氣分。因藥動血。血傷攣痺。筋熱則弛。筋寒則急。遂致釀成痿痺。難效證。

當歸身 桑寄生 生虎骨 枸杞子 撫芎

沙苑蒺藜

俞文調先生 靈樞云神傷思慮則肉脫意傷憂愁則
肢廢皆痿證也脉形大虛無力常餌補陽而今操持
繁思猶未能免病必遷延

枸杞 歸身 甘菊 桂枝 虎骨 亦不切七情病治法

右足痛方 此痿證也因肝腎兩虛陽明脉絡失用筋

縮牽強足痛不堪動作當溫散下焦莫進疎解凡痿

是溼是燥溼則附腫燥則枯索熱則縱弛寒則拘急

據稱筋縮足痛及所用藥品參之當是寒溼為患不必重看肝腎兩虛

川烏 北細辛 萆薢 乳香 沒藥

韭菜地上白頸地龍 晚蠶沙煎湯泛丸每日服

二錢陳酒下

長夏溼痺經脉流行氣鈍兼以下元脉絡已虛痿弱不能步趨脊膂常似痠楚大便或結或澹都屬肝腎奇經為病蓋必佐宣通脉絡為正治法倘徒呆補夏季後必滋溼擾須為預理

○肉蓯蓉 小茴香 巴戟天 歸身 遠志

鹿角霜 桑椹子 生茅朮 茯苓 熟地薑汁製

另用金毛狗脊三斤煎膏和丸凡欲滋腎而惡其溼膩者宜用鹿龜

阿膠諸血肉品最合次則女貞杞子其質較清

高年液涸風動酒溼氣蒸足趾曾經腐瘍經年來或麻

痺或牽掣不能轉側已成筋骨之痿兼之火升眩暈
頭面清竅常似不爽大便艱澀四五日始一更衣陽
氣不能潛伏陰液日就枯槁老來痿躄原無復元之
法診得脉數動疾溫燥之補無益反害仿丹溪虎潛
之製稍為加減冀得津液少存亦安閒永年之算非
攻病也

○大生地

斤一

淡天冬

兩三

肉蓯蓉

一兩五錢

懷牛膝

兩二

生白芍

兩三

虎骨膠

兩二

柏子仁

兩二

肥知母

兩一

川黃柏

兩一

稚年頻頻傷風咳嗽汗出痰多不嗜穀菜乃衛外不固
肺易偏傷冷熱當春升氣泄忽然指握無力走動足

疲。語言或蹇。常有嘔惡。蓋衛應乎胃。胃屬陽明。其脉主司束筋骨。以流利九竅。而四肢原屬脾胃。舌爲心苗。脾竅通焉。此皆久傷氣分。乘氣泄而病。乃虛症也。治法以充脾胃脉絡。疏竅諸藥。皆當屏絕。百日可期其效。

○人參

蜜炙芪

歸身

炙草

廣皮

白芍

防風根

煨薑

棗子

未交四九。天癸先絕。今年五十有二。初冬脊骨痛。連腰跨。膝跗無力。動則氣喘。立則偃僂。耳鳴頭暈。上熱下冷。呼吸必經脉閃痛。時有寒熱。穀食日減。少味。溺短便艱。枯澀。此奇經脉病。漸成痿痺廢棄之病。夫督脉

行於身後帶脉橫束於腰。維蹻主一身之綱維。今氣血索然。八脉失養。經謂陽維為病。苦寒熱而諸脉隸肝腎。陽明之間。故所患不專一。所交冬大地氣藏。天氣主降。為失藏失固。反現泄越之象。治病當法古人。如云痛則不通。痛無補法。此論邪壅氣血之謂。今以絡脉失養。是用補方。中宣通八脉。為正。冬至小寒。陽當生復。病勢反加。調之得宜。天暖溫煦。可冀痛止。然陽藥若桂附剛猛風藥若靈仙狗脊之走竄。總皆劫奪耗散。用柔陽辛潤通補方安。

不能達之

只在配合得宜凡奇經為人身大脈非力厚

- 鹿茸
- 鹿角膠
- 淡菝蓉
- 當歸
- 枸杞子

- 生杜仲
- 牛膝
- 蒺藜炒
- 鹿角霜衝任督帶皆照顧到

矣。惟不及陽維。未是。蓋案中寒熱一證。亦斯病進退大關鍵也。

中由吉巷

四十七卷

病人述自腰以下頽然痿蹙。肌肉麻

木枯寂。二便不爽。上下氣不接續。顯然崩漏亡血。陽不下交於陰。中年日就衰奪。惟辛補潤燥。冀絡虛氣攻痛勢漸緩。

郁李仁

枸杞子

肉蓯蓉

冬葵子

柏子仁

桑寄生

松子仁

黑芝麻

桑苗坐 益于口 黑之私

滄卒口 醉于手 物新器 亦莫手 醉

文臨長德壽

不可交尔烈中平日算疑疑新字醉醉與莫醉

水臥寡二更不來上可食不對敵歸然與醉

中山古俗 醉人此自觀以可醉然樂飲肉

燕一登亦神由也感大醉也
笑醉不又博謙未二益茶中矣

厥

怒勞陽升暴厥。苦降和陽。使清神不為濁蒙。便可清爽。此論平時調理。養肝腎之陰。宜至靜之劑。從經旨下。虛上盛主治。

- 生地
- 熟地
- 龜版
- 菖蒲
- 遠志
- 茯苓

楓橋廿七 眩暈嘔水。心中熱。神迷若癩。皆操持運機。君

相升舉蒙冒清神。生薑辛可通神。但氣溫先升。佐入

涼降劑中乃可。

○溫膽湯二陳加竹茹枳實是實證治法。

血傷。驟加驚恐。氣鬱熱升。風旋。清神受蒙為厥。凡厥皆

隸厥陰。今左股麻痺。忽爽忽迷。皆肝膽中相火內風

未得寧靜病延數日。左脉小濡熱勝津液暗傷。不宜純與攻滌苦寒。經旨以肝為剛臟。與胃腑對待。柔緩濡潤。陽和液復。可免癰證。

○鮮生地 石菖蒲 柏子仁 阿膠 天冬

茯神

血傷用地黃宜乾者。此古法也。血熱乃用鮮者。方中略少清肝降濁之品。

此厥證也。緣情懷失曠。肝膽鬱勃。陽氣直上無制。夫肝脉貫膈入胃。循遶咽喉。今病發由腕至咽。四肢逆冷。所云上升之氣自肝而出。中挾相火。其病為甚。法以苦降辛宣酸泄之。治使陽和氣平之後。接續峻補。陽明此病發必稀。以胃土久受木戕。土虛則木易乘尅也。

川連 生芍 吳萸 烏梅 橘紅 杏仁

此肝風挾陽上逆為厥。得之惱怒驚憂屬七情之病。厥陰肝脉貫膈乘胃。是以脘中不饑。不思納穀。木犯土位也。其頭暈目眩。亦肝風獨行至高之地。而精華之血。不得營矣。前用苦降酸泄辛宣。病有半月不愈。議兼重鎮主之。

川連

吳萸炒

白芍

烏梅

淡乾薑

太辣傷血

生牡蠣

脉左細數而勁。右數大而虛。此腎精肝血內虧。水不涵木。陽挾內風暴起。莫制指臂拘攣。口目喎斜。在左蓋肝風陽氣從左而升。衝氣撞心。消渴暈厥。仲景列於厥陰篇中。凡肝屬陰。木必犯胃之陽。土飲食熱氣入。

胃引動肝陽。即病發矣。此恙已六七年。陰損已極。必

屏絕俗擾。怡悅情懷。然後滋養。填固其陰。必有小效。

無驟期速功。厥因食而發。是木鬱內熱之證也。不必由於食癯。所謂食人於陰。長氣於陽也。

胃實氣滯。肝邪無以泄越。遂迫令橫逆妄行矣。此可見肝胃之相關。故凡怒發於食前。食後者。必作厥仆。

炒鬆熟地 陳阿膠 大淡菜 萸肉 五味

芡實 金櫻子粉 方甚不合。恐肝脾愈鬱矣。宜用通攝。

食物滯於腸胃。太陰陽氣不旋。陶節庵用五積散。因汗

冷厥逆。禁用攻表。昨主溫通開滯。氣頗應。謂陽氣宜

通也。

草果 香附 厚樸 陳皮 廣木香 茯苓

化服蘇合香丸 此表裏兩解之變法。亦溫中托表之變法也。必傷於冷物乃合。

肢冷湧涎。臍上痛墜泄瀉。而脉緩。此爲脾厥。以辛香醒中。兼解少陽之鬱。

○生益智 香附汁 厚樸 柴胡 煨木香

陳皮

徽州 三十五 仲景云。厥陰病。氣上撞心。明示木中風火。

上行多氣少血。陰虛之象。治以癰證痰火有餘。大謬。

女貞子 天冬肉 茯苓 小生地 山萸肉

建蓮肉 赤金箔

厥者。脉動而身靜。謂之尸厥。此氣閉於外。氣血未亂。通其陽則生。今厥而脉亂。氣血併走於上。如天地之鬱。則沙飛水湧。莫之可當。謂之大厥。此人身之根蒂空。

虛三陽并羸。俟其氣返則生。不返則危矣。厥究非脫脉亂而有

力。仍當作閉治。若細微無力。直是脫矣。

大熟地 磁石 代赭石 五味子 白芍

人參 河車

天冬肉 熟地 小生地 山萸肉

土茯苓 歸身 血虛 氣虛 金匱 以 脈 弱 寒 火 昏 昏 大 寒

陰虛 陽虛 氣虛 血虛 脈弱 寒火 昏昏 大寒

別見

天冬肉 熟地 小生地 山萸肉

人參 河車

大熟地 磁石 代赭石 五味子 白芍

脫

傷寒蓄血。都是邪入於裏。內經謂陰絡傷。血乃下溢。陰

為藏病。陰氣從下走泄。陽氣失戀。上冒遂令神識昏

脫也。

狂。乃脫證也。況在立冬大節之交。關閱醫藥。今朝所

服。猶是羌防菖根。前此柴防。服之屢屢。身中陰陽遭

此魔障劫盡。焉有安逸之理。雖急急收拾散越。恐未

穩。追返耳。

人參 茯神 禹餘糧 木瓜 五味 小麥

方意是預防汗脫。因血泄不可復見汗也。但此證不妨稍多用藥味。五藏兼顧。而肝腎為重。

太陽開小水。自利陽明傷。則失其闔。濁陰上逆。四肢冷

汗氣喘胸腹脹悶。都是陽微欲脫。脉絕厥逆。勉與通

脉四逆湯回陽驅陰以挽之。

淡乾薑 泡附子 人參 猪膽汁

服藥後脉微續者生。暴出者死。

脉大不斂。神迷囁語。陰陽不相交合。為欲脫之象。救陰無速功。急宜鎮固陰陽。冀其甦息。

生龍骨 生牡蠣 人參 阿膠 茯神

淮小麥

勞復。虛寒泄下。加以絕穀胃損絡血。洞下昏亂無神。脉

傷寒禁穀。不知作備何人。可恨可恨。

診三五參差。陰陽已屬脫根。恐壞於子丑二時。真氣

不相維續。勉用大封固一法。

人參 熟附子 生芪 五味子 於朮

瘧

瘧有十二經。然不離少陽厥陰。此論客邪之傷。若挾怫

鬱。嗔怒致厥。陽肝氣橫逆其勢。必銳。經言肝脉貫膈

入胃。上循喉嚨。而瘧邪亦由四末擾中。故不饑不食。

病發四肢是脾胃病

胃受困也。夫治病先分氣血。久發頻發之恙。必傷及

絡絡。乃聚血之所。久病血必瘀閉。香燥破血凝滯。滋

血皆是證之禁忌也。切宜懷之。讀此可見先生通絡之義。非孟浪亦非怪

僻也。徐靈胎陳脩園未會熟讀內經。情同言馬腫背。

- 青蒿
- 生鼈甲
- 炒桃仁
- 當歸尾
- 鬱金

- 橘紅
- 茯苓

又方

○桃仁 柏子仁 新絳屑 青葱管 歸鬚

瘡起四肢擾及中宮脾胃獨受邪攻清氣已傷不饑不食胃中不和夜寤不寐小溲赤濁即經言中氣不足溲溺為變須瘡止之期干支一周經腑乃和明理用藥疎痰氣補脾胃清氣轉旋望其納穀

○熟半夏 生益智 人參 厚樸 茯苓 廣皮

臨服入薑汁三分

前案方味重泄肝此重補脾視本之虛實邪之盛衰而用之

瘡病內經謂風邪入中雖云十二經之瘡總不離乎少

陽少陽肝膽相附瘡久盤踞未免凝痰積血即成病

根矣虛者補正為先補正不應法當破血先補後攻非誤補改

也攻

柴胡 草果 炒桃仁 青蒿 半夏 歸尾

桂枝 炒黑蜀漆

金匱 十七 夏伏暑溼秋季如瘧邪不盡解能食不化腹

中氣滯有形脾胃不和用東垣清暑益氣法

人參 黃芪 白朮 青皮 陳皮 神麴

炙草 麥冬 五味 黃柏 澤瀉 當歸

升麻 葛根 蒼朮 薑棗煎 東垣未嘗以此方治瘧可悟運用古

方之法

暑邪成瘧熱結三焦腕痞有形煩渴喜冷飲從河間法

主治 方失

經云夏傷於暑秋為痲瘧今時已孟冬瘧始發動蓋以

邪氣內藏於臟。為厥少兩陰經瘧也。擬以溫臟法。伏邪

久則陰虧。有不可溫者。宜察脈證。

厚樸 製附子 生牡蠣 炙甘草 大棗

高年正氣已衰。熱邪陷伏。故間瘧延為三日。此屬厥象。

舌涸腕痺。噫氣欲嘔。胃虛客逆。恐有嘔吐呃忒之變。

議用旋覆代赭鎮其逆亂之氣。合瀉心法以開熱邪。

壅結為主。運用有法。二方俱屬氣分之治。尤為巧合。尤可悟運用古方之妙。

○人參 川連 乾薑 白芍 旋覆花 代赭石

烏梅 牡蠣 半夏

服一劑。減去半夏乾薑服。減二味亦有深意。仲景凡渴去半夏。熱邪陷伏。

陰津必傷耗矣。

陽虛陰亦傷損。瘧轉間日。虛邪漸入陰分。最多延入三日。陰瘧。從前煩厥。端治厥陰肝藏而效。自遺洩至今。陰不自復。鄙見早服金匱腎氣丸四五錢。淡鹽湯送。午前進鎮陽提邪方法。兩路收拾。陰陽仍有洩邪功能。使託邪養正。兩無妨礙。大病迭見。最難措手。此與前案皆精心結撰之作。不可以錄用。成方而忽之。

○人參

生龍骨

生牡蠣

炒黑蜀漆

川桂枝

淡熟附子

炙草

南棗

生薑

此仲景救逆湯法也。龍屬陽入肝。蠣屬陰入腎。收瀉重鎮。臟真自固。然二者頑鈍呆滯。藉桂枝以入。

表。附子以入裏。蜀漆飛入經絡。引其固潛之性。趨

走護陽。使人參甘草以補中陽。薑棗以和營衛也。

仲景是因誤治。擾動真陰。致熱痰上涌。將有痰厥

或狂越之患。故以此救之。先生移治此證。恰合。讀

邪深入陰。三日乃發。問瘧至必腰腹中痛。氣升即嘔。所

伏之邪必在肝絡。動則犯胃。故嘔逆煩渴。肝乃木火

內寄之臟。胃屬陽土。宜涼久聚。變熱與初起溫散。不

同邪久不祛。必結痕形瘧母。

○生鱉甲。生桃仁。知母。滑石。醋炒半夏。

草果仁。西醫謂人病瘧死者。剖視其肝脾。大於常

鼈甲煎。九莫治。

伏邪留於少陰厥陰之間。為三日瘧。百日不愈。邪傷真

陰。夢遺盜汗。津液日枯。腸燥便艱。養陰雖似有理。但

病。致。虛。總。先。治。病。病。本。虛。標。也。

深沈瘧邪。何以追拔。掃除議以早服。仲景鼈甲煎丸

三十粒。開水送。午後服。養陰通陽藥。用復脉湯加減。

此與前用救逆案意同。

○生牡蠣 鹿角霜 酸棗仁 阿膠 麥冬

炙草 生地 桂枝 大棗 可加細辛。以通陰陽。有諸

潤藥。不慮燥也。即前救逆方中蜀漆之義。

三陰瘧。是陰分伏邪。汗之清之不解。但與膩滯補藥。邪

無出路。遂致吐衄。寒自背起。督脉應乎太陽。此寒溼

於太陽。由督入巔。初起宜用二活威靈仙。生附子。諸辛通督脉之品。逐寒溼。仍從下出。自易愈。而無餘患。

瘧門套藥。一概無功。曾治一瘧初起。大寒大熱。腰以下無汗。而衄血不止。卽用諸藥而愈。

川桂枝 熟半夏 炒白芍 炒黑蜀漆

生牡蠣

三日瘧。是邪干陰經。表散和解。不能去病。詢知不慎口

腹。食物之氣。亦能助邪。宜先理脾胃而廓清之。

桂枝木 生鱉甲 烏梅肉 常山 廣皮

知母 草果 淡黃芩

寒熱而嘔。罷則汗出。四日一發。牝瘧也。瘧論云。邪氣客

於六腑。而有時與衛氣相失。不能相得。故休四五日

或數日乃作也。今脉沈弦遲。發必大吐大汗。陽氣與

中氣乏竭。應扶陽補中。以固元氣。

○製川附 人參 炮薑 炒白芍 草果仁

牡蠣 炙甘草 加大棗一枚

二十日來以甘溫益氣養陰治脾營胃衛後天漸得知

語本膚麻當云真火受

饑納食思瘧痢致傷下焦奇經入脉皆損是以倏起

傷則督虛而陽不能維

寒熱背部畏冷遇風必嗽痰陽維脉無以維持護衛

衛疎則汗泄矣從虛損門治

人參 鹿角霜 沙蒺藜 補骨脂 茯神

枸杞炭 鹿茸 當歸身 此必病愈無邪乃可用且力峻恐不能任

受轉增中鬱生痰奈何

瘧發三日三月不止邪留在陰熱解無汗氣衝胸悶痰

涎甚多問寒起腰髀及背部議從督脉升陽 凡瘧須問發時

本占書卷之三 瘧下 瘧

言器考卷之三
寒自何起。最為要訣。起四肢屬脾。起腰脊屬太陽。久病屬督屬腎。起肩脇屬肺。起心中屬三焦包絡。陰瘧多因寒。溼下受。由太陽入督。故證如此。

○人參 炒黑川椒 鹿茸 茯苓

炒黑小茴 炒當歸

瘧發六七十候。寒熱邪聚。必交會於中宮。脾胃陽氣消乏。致痞脹不能納食。運化三年不愈。正氣未復。診脉沈微。陽傷必濁陰盤踞。但以洩氣寬脹。中州愈困愈劇。必溫通濁走陽回。是久病治法。

生淡乾薑 生益智 厚樸 茯苓 人參

泡淡附子

三瘧留熱。伏於厥陰絡中。左脇痠聚有形。是為瘧母。寐

則驚惕若見鬼神。夫肝為藏魂藏血之鄉。熱邪內灼。藏聚失司。非攻補可療。議清解血中之結。以祛熱。

○大生地 柏子仁 炒丹皮 生鼈甲 生牡蠣

郁李仁 炒桃仁

常熟廿七瘡母癢聚有形。治有宣通氣血。第所述病狀

已是產入脉交損不敢攻瘡。字有脫誤

○當歸生薑羊肉湯

經月瘡邪。仲景謂結為癢瘡者。氣血交病。病已入絡。久

必成滿脹瘡。母膠固粘著。又非峻攻可拔。當遵仲景

驚甲煎丸之例。日餌不費。以搜絡邪。

○驚甲煎丸三百粒 每服十粒 日服二 夜服一

瘧母竊踞少陽。氣血凝阻。

○ 蜚蠊 金鈴子 桃仁 三稜 麝蟲 歸身

元胡索 蓬朮 韭汁丸

邪與氣血交凝。則成瘧母。病在絡。自左脇漸歸於中焦。

木乘土位。東垣謂瘧母必傷脾胃。既成。形象宣通。佐

芳香。乃能入絡。凡食物肥膩呆滯。尤在禁例。所慮延

成中滿。

人參 茯苓 木香 草果 陳皮 香附汁

厚樸 青皮 宜急加破血之品。橘

淮安 廿二 露薑飲止瘧。是益中氣以祛邪。虛人治法皆

然。脾胃未醒。宜忌腥酒濁味。

大半夏加益智橘紅薑汁泛丸

同里 五十三 瘦人多燥。痺瘧熱氣由四末乘至中焦。胃

中津液為邪熱劫燥。不饑不食。五味不美。是胃陰傷也。人身不過陰陽二氣。偏則病。離則不治矣。

人參 麥冬汁 知母 生甘草

鳳陽 三十八 瘧後脾弱。肝乃乘之。中氣不舒。所以易生

嗔怒。亦是陰津被灼。五藏不潤。氣亢神煩。不盡宜用辛溫。凡津傷則神無所養。而煩怒生。

焦白朮 生智益 茯苓 廣皮 枳實皮

檀香末 水泛為丸

宜興 十九 瘧痢後脾胃兩傷。用繆氏法

雙補丸方

遺泄陰虧瘧熱再傷陰分。聲嘶火升。易怒神躁。水不潤

木之徵。議何人飲。佐降陰火。

製首烏 知母 天冬 人參 茯苓 麥冬

肝虛內熱。此瘧後骨蒸也。

○製首烏 茯苓 女貞實 酒炙鱉甲 歸身

酒炒白芍 香附酒炒 青蒿子熬膏略加蜜搗丸

東垣謂瘧痢皆令脾傷。以為寒為熱之邪。由四末蒸犯中焦也。蓋頭形象天。清陽不曠。故面目諸竅不和。形寒汗泄。將來浮腫腹大已了。然在目矣。

○人參 茯苓 熟附子溫元固本 淡乾薑宣陽透邪 厚樸

澤瀉

瘡傷真陰。七八年來。每交春季。卽脊背肩胛脹痛。入夏更甚。冬寒乃瘥。凡春夏之時。天地大氣發泄。至秋冬方始斂藏。臟真既少。升洩病來。督脉行身之背。自陰而及於陽。但內傷不復。未易見功。惟養靜斷慾。用藥可希漸效。

鹿角霜

鹿角膠

熟地炭

兔絲餅

青鹽

柏子仁

可經用內
經烏則方

醉于...
...
...

亂...
...
...

...

...

...

...

...

痢

食菜下痢腹痛。是初因寒溼傷脾。久變溼熱。蒸於腸胃。

況利後痛不減。腹中硬起不利。不得流通。明甚。當以

苦泄小腸。兼分利而治。不可分利。

川連 黃柏 苦楝皮 澤瀉 木通 枳肉 太

可加香砂。看證仍
是夾寒。可兼溫通。

裏急後重。腹痛便膿。秘塞不爽。久延交冬。乃是腸滯不

通。法當宣通氣血。久利有邪實。有正虛。腹痛不爽。虛
實皆有此證。須憑色脉為斷。嘗治

久利四年。略無實證。又略無虛形。
診脉弦大而滑。遂從實治而愈。

○紫苑 厚樸 炒黑地榆 製軍 桔梗

木香 炒黑查肉 炒青皮 此方理氣滯。消食積
是從實治。固因裏急

後重。且凡久利。但不見虛象者。皆屬於實。皆屬溼熱。無溼寒者。

腸澼下白沫者。肺氣下移。經言氣併於陰。猶云陽下陷

也。又云脉沈則生。浮則危者。恐虛陽欲撒之象。而真

氣欲離耳。

寥寥數語。而三引經文。看似淺近。非胸中雪亮者。其孰能之。

人參

炮薑

桂枝木

黑於朮

炮附子

大棗

炙甘草

口中乾燥。小水全無。泉源已竭。陰液無以上承。利證噤

口。都是溼熱壅於胃口。下元衰憊。衝脉氣震高突。此

攻病保真。理難捉摸。

川連

草決明

石蓮

黃芩

烏梅

白芍

生胃

津而鎮肝逆。

少腹痛。下痢帶血。

黃芩 炙草 炒銀花 炒丹皮

痢止咳頻。脉虛形寒多悸。進甘緩法。小建中去薑加玉竹。

陰絡受傷。下午黃昏為甚。非治痢通套可效。大旨以守陰為法。

熟地炭 建蓮 茯苓 五味子 赤石脂

澤瀉 阿膠

久痢肛墜。診脉左堅沈。溫劑不受。陰傷不司收納。前用

桃花湯少減。當與甘酸柔緩。據脉證。是溼熱漬入血分。木鬱土中。肝氣下陷。

宜用辛涼宣散。佐以苦堅。

人參 炙草 熟地炭 柿餅炭 五味子

...

...

...

...

...

...

...

...

...

...

痼

高年痼證是下元虛氣冷凝。互結聚攻墜乃沈痼之疾。

藥難取效。煖氣助陽。鼓動俾陰邪濁氣稍解。不過暫

只因不能達下

時小安耳。病在肝腎道路紆遠。藥必從咽入胃。由胃

入腸。始達病所。而上中無病之處。必受痼藥攻剋之

陽氣雄有傷胃陰非高年所宜

累。倘胃減妨食。何以救療。夫陰濁盤踞成形。例取純

陽氣雄之藥。昔胡大封翁高年宿痼。用十全大補不

效。喻氏駁其半陰半陽非法。議以薑附為丸。參苓為

衣。喉間知有參苓。過胃始露。猛烈之威靈。恪攻病所。

此議甚正。

○生炮附子 淡乾薑 大茴香炒 研為細末。真水

言部... 卷下
安息香三錢。搗爲小丸。以人參末不拘多少爲衣。
早服二錢。少少進湯送下。

發熱痰喘胸滿身痛左邊羸丸不時逆上痛不可忍肝

脉弦急肺脉獨大此肺肝受邪之故也肝爲木藏其

化風其生火風火合邪旺於木位則爲熱爲痛乘於

肺金則爲痰爲喘法宜滋達肺金兼疏肝木此與下案不似

先生手筆此證當是風寒傷於尻陰因勞力房室而得之方味只能清上不能攻下

葇仁 紫苑 半麩 川貝 桔梗 枳殼

杏仁 蘇子 柴胡 秦艽

陰莖作痛痛甚而憤診兩脉浮虛而濇浮爲氣虛濇乃
精傷陰陽兩虛得之憂思勞鬱而傷中也經云陽明

爲氣血之海。主潤宗筋。又陽氣者。精則養神。柔則養筋。今多悒鬱。則氣必傷。又任勞倦。則血必耗。氣血兩傷。宗筋失潤。故令作痛。治以當歸補血湯。加此心腎之病也。心不得遂。則肝鬱而氣竄入腎。發爲疝痛。下極而上。故憤而見心病矣。案中引經。於病情不甚貼切。

人參 甘草 秦艽 桂心 紅花

繼用歸脾湯調理

渴熱向愈。自更衣。用力陰囊忽大。此宿疝舉發。明明陰

虛氣墜。非子和七疝同法。身陷墜任脉失其擔任。

小便通調。酸甘定議。如小便不通。卽當用辛甘化陽法矣。

人參 天冬 熟地 萸肉 川石斛 炙草宜與

健脾藥並用。

疝攻上觸必傾囊嘔物。此胃中得食氣壅肝邪無以洩。越得吐而解。蓋木鬱達之也。此番病發原自怒起。其為肝厥何疑。

炒黑川椒 炒小茴香 川棟子 橘核

青皮汁 青木香 此氣分之病。肝氣逆於胃絡。當從胃疏其肝氣。此方可加

牡蠣木瓜半夏白芍焦查 川芎 疏降胃濁攝納肝逆。

狐疝

淡菴蓉 枸杞 巴戟 茯苓 沙蒺藜

當歸 茴香 眞肉桂 肉桂獨於此病為要藥。此方與下案俱屬肝腎

虛寒治法。

狐疝者厥陰之痺也。發則辜丸痛引少腹。得嘔氣泄則

止此屬寒溼之阻。議以利溼溫經祛風丸方服久自愈。

○川棟子 小茴香 淫羊藿 胡盧巴 茯苓

半夏 杜仲 韭子 砂仁 防風

當歸 漂淡菴蓉 泡淡吳茱萸 雙合

水泛丸日服二次每服二錢五分此等方法乃唐人派藥味稠疊

以氣味濃厚制勝彼貌託得仲景心傳舉手便書小建中者安得不言馬腫背。

甯波四十八七疝肝病為多病發有聲响為氣疝寒入

募絡積疝堅硬下墜宜八味加大茴香胡蘆巴

師沙橋六十三寒入厥陰之絡結為氣疝痛則氣脹上

升氣消絕無形蹟老年下元已乏勿與破氣攻疝宜

溫養下元為主尿管脹是阻溺當佐以通陽做香茸

丸法。

鹿茸 麝香 當歸 青鹽 韭子 龜蛇牀子

覆盆子 大茴香

胃病治法

痼病六經皆有而陽明厥陰為多。

小川連

三錢鹽水炒

鹿角霜

兩

炒當歸

兩

淡薑

五錢

生香附

二兩

生曬茯苓

兩

炒黑小茴

兩

山查肉

二兩炒

生川棟子肉

兩

水泛為丸

厥陰腹痛引胸脇便難一丸腫一

便難與前小便通調一案互參用藥法。

○當歸鬚 延胡索 小茴香 桃仁泥 川棟子

官桂

精氣不旺。邪留腎絡不解。大凡邪在陽可散。入陰之邪。

必溫經可託出留邪。為解之化之。不同法也。此案不似先生

手筆當是假案

人參

鹿茸

鹿角霜

舶茴香

當歸

細辛

癥痞 婦科別出

病因食物不節。其受病在脾胃。既成形象在左脇之旁。是五積六聚。喜煖惡寒。陽氣久傷。溫劑必佐宣通。食物宜慎。

草果 華撥 雞內金 砂仁殼 厚樸 廣皮

阿魏搗丸

臍旁有塊。仍流動。按之_{必有外邪久留}。或時攻脇刺痛。外腎寒冷。拘束病屬肝血腎精之損。凡腎當溫。肝宜涼。腎主藏納。肝喜疎泄。收納佐以流通。溫腎涼肝。是此病製方之大法。

當歸身 枸杞子 生牡蠣 炙鼈甲 小茴香

沙蒺藜 當歸小苧二味俱溫肝藥。

膈間腫橫如臂。堅硬痛楚。體髀骭股皆腫。經謂之伏梁。

又曰風根。此下焦陽虛。氣不能運化也。此屬危證。勉

擬一方。恐未能效。此蓋下受溼邪。上受風邪。上下相結。升降開闔俱痺。致成此證。治宜

從太陽陽明兩經設法。而尤重在陽明。峻藥緩服。或能見功。

淡川附 葶澄茄 人參 鹿茸 茯苓 擬方用礪石以

助心陽。礪砂以攻血結。佐以辛溫走絡之品。少少緩服。輔以補養湯劑。

傷酒漏風

吐血便血漏瘍有因傷酒者已分入各門

行走多動陽。酒溼多變熱。熱氣上升。犯冒清竅。頭蒙聒。脹。衄血成流。上齧腐瘍。久必漏卮。世俗通套。每用犀角地黃。然酒性先入膽。次及胃。酒客性惡甜膩。從苦降定議。以苦能却溼也。

桑葉 苦丁茶 連翹心 荷葉邊 丹皮

射干

酒毒內燔。吐血甚多。六七日後。瘀血又從大便出。酒性先入肝膽。次及胃絡。照一臟一腑對治。勿驟用膩滯

陰藥。

金石斛 丹參 稽豆皮 銀花 地骨皮

丹皮 黑山梔 雲茯苓 宜兼顧肺陰。防成肺痿。

身熱解墮。惡風汗出如雨。喘渴不任勞事。內經謂漏風證。此飲酒汗出當風。邪留腠理也。

白朮 澤瀉 麋銜草 新會皮 這一味加得好。

國朝喻氏謂酒熱先入肝膽。謹慎者飲之。可以壯膽。好飲多年。以致發瘡。其酒毒頗得外泄。以分其勢。瘡愈。癩搖厥逆。全歸肝絡矣。用藥以大苦大寒。直清其下。

蘆薈 青黛 龍膽草 郁李仁 胡黃連

黑山梔調入猪膽汁 此方太苦無理。癩厥起於瘡。愈是毒氣內陷也。所以內陷。

由於瘡久氣虛也。治之正宜助氣益血。生津清熱。充其內陰。鼓其表陽。使酒毒仍從腠理達出。重用苦降。不益之內陷耶。

痧疹

溫熱癩疹已見溫熱門

痧是肺胃氣分邪火內迫津液上焦受損元未全復更為夏熱內蒸其血不必為陰虛治秋未入冬用清燥意。

天冬

麥冬

知母

貝母

水梨肉

北城下

三十六

溫疹是一股乖戾不正無形之氣從口

鼻吸受上竅阻塞噎物不得下咽醫不辨有形無形但曰清火寒降重藥直入腸胃與咽中不相干涉。

連翹心

馬勃

牛蒡子

銀花

鮮蘆根

耳聾環口浮腫是少陽陽明風熱久而失解邪漫經絡倏然疹現隨沒當與羅謙甫既濟解毒湯。

枯苓 大黃 防風 銀花 葛根 升麻

川連 荆芥 甘草 陳酒浸半日陰乾煎

從未生育。乃是氣血不和。形軀豐溢。是外盛內虧。肌肉
癩癢搔摸成塊。風在表。溼熱在裏。乃是氣分之病。病
非大恙。而取效最難。明理之醫。謂肥人不可多投攻
表泄陽。當於夏月施砭刺法。可效。

生茅朮鬚 生香附 白殭蠶 白蘚皮

白芥子 老蘇梗

不合

幼損

勉強搖精。致陽縮囊縱。不但形弱。偃僂。肛門臍竅。皆為收引。咽喉牽絆。自此食物漸漸減少。由精血之傷。有形最難自復。少厥兩陰脉循喉嚨。開竅於二陰。既遭損傷。其氣不及充注於八脉。見證皆拘束之狀。上年進柔劑陽藥。服後頭巔經脉皆脹。耳竅愈鳴。想是藏陰宜靜。試以乘輿身怖。必加跼促不安。宜乎升陽之動藥不靈矣。夫少陰內藏原有溫蒸諸法。厥陰相火

亦恐無功。此直不治之證耳。
復出於祁正明案
中今刪祁存此

元武板 知母 茯苓 秋石 生地 阿膠

遠志炭

柏子仁

原書和案有黃柏。云食前逾時服。此不治之證也。韓飛霞有鹿

鮫丸。或可倖效。然非可猝辦也。近日西人有鱖魚肝油。極補精血。與此證甚合。

肝主筋。腎主骨。陰器者宗筋之所聚。男子天癸未至。強

通其精。異時必有難名之病。今患腰膝痠疼。宗筋短

縮。大便結滯。小便淋瀝。足腿消燦。筋肉拘攣。無非肝

虧腎損所致。按脉沈細而兼微數。乃精不營筋。又有

伏火。內經所謂發為筋痿。及為白淫者。是也。治宜滋

腎。舒肝。使精血漸充。則筋骨亦漸和柔。但幻證日久。

非一朝一夕之功。幸弗期速效。

熟地

歸身

牛膝

肉桂

黃柏

線魚膠

續斷

鈎勾

水煎空心服

徐十四歲幼沖多六氣之擾少七情之傷痛在下焦肢

末初痛必係寒溼痺阻於經絡之中方書謂爲寒爲痛爲溼爲腫砭刺疎通引動脉中之氣血原得小效寒溼邪氣屬陰久蓄不得解散蒸腐血液變熱成膿附骨癰瘍久而精神日憊理必延爲漏卮矣三年宿疴寒暑迭更邪必渙解此爲損證凡女子二七而天癸至謂體陰用陽也昔因客氣而致病再因痛傷已損及真氣諸證所稱難愈痼疾矣今倏熱蒸蒸喉燥嗆咳納食日減乃損至精髓草木攻邪日加剝斲參苓養氣難充形質投藥必不見長無治病成法可遵

蓋以有情之虛養非氣味之乘強望胃納扶持至春

句有謀字

回寒谷。再議丸方。身體熱蒸。多嗆火升。用糯稻根鬚。漂洗潔。陰乾。兩許。煎湯服。此能退陰分。燔灼之熱。種植以來。不見天日。得水土之養。清而不尅之藥。人參非助熱之藥。本草云。陰中之陽。其氣主升。故不宜單用。食少易熱。咳嗆。芪朮歸地。皆爲壅滯。以人乳。斲成粉。和參末。捏作錢許小丸。俾濡養血中之氣。藉人身之生氣。胃氣略好。當與景岳一炁丹。製膏與服。中有紅鉛一味。世間無有眞者。以眞坎炁二十四枚代之。合乎二十四氣以默運耳。

脉細。右濡。左數。少年形瘦。肌槁遺泄。是知識太早。致精血難充。臍左動氣。食減易饑。陰傷於下。漸延中宮。沈

陰恐妨胃。剛補慮劫陰。男子精傷。補陰參入柔劑。溫藥。取坎中寓陽之意。

鹿角霜 龜腹版 白茯苓 枸杞子 柏子仁

炙甘草 沙蒺藜 炒黑遠志

何不徑用烏則丸

唯亭 十八 讀書身靜心勞。兼以夜坐。浮陽易升。年少雖

未完姻。然情欲一萌。多致不自保惜。陰中龍雷。挾木中相火沸動。失血咳嗽。是藏陰不爲寧謐。暫緩書卷。早眠晏起。百日中勿加雜念擾亂。可以全愈。若以草木希愈。非要領也。

知柏八味丸加五味子

程舜文令郎 男子思念未遂。陰火內燔。五液日奪。但

孤陽升騰薰蒸上竅。已失交泰之義。此非外來之證。凡陰精殘憊。務在胃旺。納穀生陰。今咽喉耳鼻諸竅。久遭陰火之逼。寒涼清解。僅調六氣中之火。而臟真陰火。乃閃電迅速。莫遏。清涼必不却病。良由精血內空。草木藥餌。不能生精充液耳。

猪脊髓 阿膠 川斛 天冬 生地

泰興 三十七 精未生成。強洩最難充旺。至今未有生育。視形瘦。問食少。精薄易泄。形脉不受剛猛陽藥。議藉血肉有情。溫養氣血。

鹿鞭 羊內腎 淡菴蓉 瑣陽 生兔絲子

枸杞子 舶茴香 牛膝 青鹽

同里廿七幼年成婚太早精炁未充先洩上年洩瀉繼
加痰嗽納食較少形肌日瘦今秋深喉痛是腎精內
乏陰中龍雷閃爍無制當此秋令肅降藏職失司明
歲穀雨萬花開遍此病危矣

秋石拌人參 生紫石英 紫衣胡桃肉

茯神 女貞實 五味子

吳江

十六

天癸尙未至肉瘦形悴△噎嗽△著枕△更劇△暮夜△

內外皆熱△天明微汗△熱減痰出△或稠△或稀△咽中總不△

爽利△此先天稟賦之薄稍長真陰不旺陰虛則生內

熱怡悅勿事鍼砭必俟經來可得熱除不然即世俗

所稱乾血勞怯

咳不著枕與熱汗總是外邪未淨因及營衛炙甘草湯有和營衛以達邪

之功最合。

復脉法去麻仁觀去麻仁蓋已便澹是為不治矣。

兩年前晨泄。食入嘔吐。此非有年體質之脾腎虛瀉。可

以二神四神治也。蓋幼沖陽虛百中僅一耳。今泄瀉

仍然寒熱咳嗽失血。天癸不來。脉得弦數。形色消奪。

全是沖年陰不生長。勞怯大著。無見病治病之理。保

其胃口。以冀經通。務以情懷開爽為要。勿恃醫藥却

病。始因肝鬱。大氣下泄。繼則逆氣上升。不納。宜從難經緩中調營衛法。保胃口。以冀經通。一語極尋常。

極切要。固因胃氣為後天根本。而虛損血液枯乾。能令溼熱漸生。即是好氣象。

熟地炭 炒當歸 炙甘草 炒白芍 淡黃芩

烏梅肉 黑查肉 歸地芩芍於泄瀉未合。潔古以芩芍治利。惟溼熱有餘者可用。

十四歲室女。原無溫熱藥之例。視色奪脈弱。下焦未寒。先冷。經事淋漓。是衝任虛冷。二炁不交。冬宜藏陽。用溫攝升陽。

麋茸

人參

沙蒺藜

鹿角霜

歸身

杞子

紫石英

小茴香

蛇牀子

疳癰痘瘍 附不慧

腑氣鬱滯為熱中宮少穀為虛腹滿溺濁口中味淡乃

幼科五疳之病

使君子肉一兩 雞肫皮一兩 肉果五錢 川連五錢

乾蟾一只 枳實五錢 蕪荑五錢 新會陳皮一兩

山查肉一兩 白芍一兩 人參三錢 飯灰一兩

水泛為丸米湯送下二錢每早空心服一服

幼稚驚癇至十三歲患發每發必於子夜陽動之時想

陰未充溢肝風乘陽冒亂神識痰涎上湧治痰清火

無效蓋肝為腎子木中陰火燔灼腎液皆為上泛矣

女子天癸得來斯病當有愈期此陽欲上不得上故病發於陽動之時非

言異... 卷一
陽衰亦非陽盛蓋寒溼久滯於上焦血分但當理肝
宣鬱疏氣化痰則陽氣出入升降應時無礙病可已
矣五氣之鬱皆成燥化天
癸得來當預爲之地也

大熟地 懷山藥 當歸身 茯苓塊 山萸肉

紫石英 丹皮 澤瀉 河車膠 此方適增
鬱助陰火

耳此陰火
即鬱熱也

年方二七長者呵責受驚即起癇厥驚氣內應足厥陰

肝逆前先見頭搖病發仰極反弓是厥逆內風由前

上胸起必喟然嘆者氣冒膈中神識自蒙蔽也小洩

通利得甦者小腸赤府泄濁心胞蒙神下降也是證

當理手足厥陰諒施鍼刺以宣其絡服藥未易有功

是不僅有驚邪也必正值憂思未定突然一驚肝氣
入心以致如此洩通得甦者肺氣化則肝有所制心

氣得降也。治宜從心肺氣化設法。

至寶丹半丸化服

能宣化。膈中陽氣兼鎮痰涎。於驚邪甚合。

痘後四肢癆毒延綿日久

津耗氣虛而邪昭之。涇熱轉見。

聚集環跳膝跗以致不能行

走乃沈痾難愈之疾據述筋粗強硬不司舒展內經

虛燥名曰疹筋

病能篇筋縱筋弛分寒溼溼熱之異但痘漿未化之

毒混處血脉絡間兩年之久攻之決不應病夫四肢

血少氣多初患當取陽明今已流入陰分遇風冷輒

不盡然

痛溫通逐邪理亦可通然男子未通精之歲必以生

陰為要務調理方法宗錢仲陽麋茸六味壯陰通陽

可以常進

- 麋茸
- 大熟地
- 紅花
- 當歸
- 枸杞子

平占寒寒子真 卷下 疳癩痘癆

杜仲粉 虎脛骨 牛膝

此病總是溼熱內盛寒束於外雖為日已久仍

宜疏散解毒略佐補虛不可太膩真津虛燥而病歸溼熱也。

據述佈痘調理少和四五年來不分冬夏兩膝骨痛甚

於暮夜必越日乃解更述煖熨少安知寒溼陰氣從

下而受但痘後幾更寒暑不愈經脉必有留邪之氣

因新邪舉發論病名曰痺痺者氣血凝滯之義古方

活絡逐邪每施於新感則效久則邪與氣血混處取

效頗遲當此長夏發洩司令按圖鍼刺每五日七日

一舉經絡氣血流行邪氣難以容留徒藥無益遵古

方服活絡丹即再造丸

淮安三十九性情古執氣鈍少靈慧凡心藏神腎藏精

少年先病。精神不易充旺。宜用六味加遠志菖蒲開
通心竅腎精。俾得兩相交合。

對小樓窗對野對兩山交合

少字承與詩情不與家相宜限六和賦體詩首諸開

婦科胃痛腹瘕聚

泰興

三十七卷

十年前因夜食凝滯閉氣食物遂胃脘痛

嘔吐病發腹大如懷妊得氣後洩而脹消經准不孕
來必腹痛病根全在氣分用藥必兼祛血分寒凝乃

合病機

○吳茱萸 秦椒 川棟子 高良薑 延胡索

蓬莪朮 生香附 南山查 生薑搗汁泛丸

厥逆初平胃口下脘觸着便痛小便自利大便黑粘不

爽前者經來暴止血海恐有凝瘀議以輕緩通血方

法。

丹皮 澤蘭 桃仁 料豆皮 小生地 薑汁

昨日用交加散法。黑血略下。痛緩下移。此瘀濁停留。皆為癰厥。以致紊亂氣血。奇經失和矣。但心悸舌赤。陰分自虧。宜瘀之藥。多辛善走。擇其辛潤者。進商回生丹。量進半丸。亦對證穩藥。交加散即生地生薑二味

細生地 薑汁 當歸鬚 丹皮 小茴炒

桃仁 料豆皮 芫蔚子

墮胎十八次。衝任奇脉血液無存。厥氣入絡。為脹為痛。或時沖逆犯膈。入脉皆不為用。淹淹漸成損怯。徒欲止痛寬脹。乃不明之論。俗醫皆然。

眞鹿胎 枸杞 牛膝 淡菴蓉 當歸身

沙蒺藜 舶茴香 潯桂心

齊門外三十 上年產蓐無乳已見血虛之象延半年後

經水不來少腹瘕氣有形病人自述背脊常冷心腹

中熱視面黃色奪問食少不美夫督脉為陽脉之海

由腰而起剗頸而還下元無力陽虛背寒任脉為陰

海之衝虛攻入絡為瘕考內經圖翼病機宛然在目

作發揮此產損蓐勞非是小恙無如醫不讀書見寒熱經閉

而妄治淹纏日久速其篤已

人參 鹿角膠霜 粗桂枝 當歸小苧炒

枸杞子 沙蒺藜 白薇

少腹瘕聚從左上升每月事將至經絡腹脇先痛自述

嗔怒病加病在肝俞血海由氣逆血滯故年逾三旬

未得孕育。下焦時冷。治當理氣血以調經。若縷治病。樣未免太拙。

○當歸 川芎 木香 麝香 香附

桃仁 查肉 葱白 延胡索 吳茱萸

川棟子 小茴香 韭白 水泛為丸益母草

湯送 可加海螵蛸

瘕結在左腹。形長大。必大便得通。脹滿可減。年前詢病。因嗔怒。且久寡多鬱。以泄木調氣得效。今冬又發。用大鍼砂丸十日。白晝頗減。入夜大脹。議通陽泄濁方。法。

○肉桂 麝香 阿魏 青皮 當歸鬚

郁李仁 川楝子蜜丸

無錫 三十九

任脉爲病。男子內結七疝。女子帶下瘕聚。

問經水仍至。知是氣攻入絡。漸次有形。況產後又十
六年不育。衝任之病顯然。

小茴

川楝子

橘核

甜桂枝

蓬莪朮

生附子

南山查

雲茯苓

北消字 南山查 雲丹塔

小韻 里刺字 詩外 滿林好 數邊歌

六章不消傳五之既限滿

開蘇木內望朕長謙起天詩斷定海深美

無變 二十次 升烈氣餘異字內詩十歌父字帶不疑郊

時季三 出辭字案與

經閉不調 附漏淋

木瀆 三十二 經水不來。是絡脉無血。古云氣旺血自生。

大忌通經。

人參

歸身

茯苓

桂心

太煖 鹿茸

精羊肉膠和丸

形壯色白。氣虛有痰。痰阻經絡。氣血不通。經事三年不

來。古人治此必以調氣為先。蓋氣為血帥也。見病治

病。終亦無裨。痰亦血之類也。雖云治痰先治氣。究宜逐痰藥以佐之。

生台朮

茯苓塊

香附

砂仁

蒺藜

製半夏

淡水熬膏。臨好以文火燉收。清晨開水

調服

寒熱因經水不來而甚。此內經謂二陽之病發心脾。女

子不月。肌肉日瘦。腹有動氣。即風消息賁矣。內損成

勞。非通經逐瘀所能愈也。近世凡遇稍虛者。動云不

非去病虛何由復。仲景塵蟲丸。方下所列諸證。何一非虛耶。

來柏子仁 歸身 白芍 桂枝 桂圓肉

生黃芪

勞煩繼以悲哀。經阻三月。是二陽之病發心脾。

當歸 澤蘭 白芍 川芎 香附 查肉

接服柏子仁丸

問生產頻多。經水失期。此衝脉厥氣直攻心下。引脇環

及少腹。嘔吐黑水。黑為胃底之水。便出稀黑。乃腸中

之水。經年累月。病傷胃憊。何暇見病治病。務在安眠
進食。爲議仿仲景胃虛上逆例。此乃血化爲水。若全
虛無他邪者。宜大溫
補以助通其道。使舊血去。
新血生。又有所泄而不阻矣。

○人參 炒半夏 代赭石 茯苓塊 降香

蘇木

滯痰阻經脈之氣。瘀濁阻絡脈之血。病甚難治。每每經
水將至之候。必腹痛堅脹。上年用烏骨雞丸。堅脹勢
緩痛減。不時舉發。今議治法。經水來時。用回生丹。三
四日經過。用後方。但主宣通絡血中氣。可免脹滿之
累。案稱難治。必別有棘手。證括於起二句中。
咳嗽門有烏骨雞丸一案。其卽此否耶。

○鹿角霜 敗龜版 生香附 熟地炭 南查肉

小茴香 茅朮炭 茯苓塊 用鮑魚汁爲丸

二字

改作吞下

太倉

十八卷

每交夏五六月。喉間宿病俄發。既愈後仍然

鼻塞火升上熱下冷。經水或前或後。形瘦脉小數。是

陰弱不旺。肝陽左升太速。右降不及。夏令陰伏於裏。

陽泄上浮乃發病根由。

阿膠 石決明 生地 天冬肉 丹皮

黑豆皮 銀花 白芍藥 丹參

於下冷二字未合

紹興三十一

卷

少腹痛堅攻及當臍。每午後必氣脹滯痛。

貫串腰尻環跳肉腠之間。肌膚亦漸浮腫。再問經事

愆期。僅得些微黃水。是陰寒已入血絡。病蓋起於產

蓐累及奇經入脉。身偃不直。俯不能仰。此肝腎入奇

經之見證。案語簡透。此蓋寒溼下受。又兼風者。其膚腫。即血化為水。金匱所謂水分也。宜用辛

熱疏散。佐以重鎮。使風溼得氣化。分道而出。不宜膩補。邪無出路。

炒枯腎氣湯

腎氣已非。炒枯何用。

流貞巷

四十九

漏經。繼下如卵形。已見血損氣結。按任

脉為病。女子帶下。痕聚。少腹。形象是也。血傷極、是忌投氣

燥溫熱。但血藥不取。沈滯血中。宣氣為是。

南山查

茺蔚子

青葱

新絳

生香附

向來經水不調。衝任脉病。醫未明奇經脉絡。久治無功。

後患陰瘡。延虛。經來色淡淋漓。少腹攻觸。疔痛。晨必

瘦泄。當通陽。攝陰。非破洩真氣。偏寒偏熱之治。

總恐有瘕

痕泄是氣血不和。肝氣下陷不固。當升反降。

鹿角霜 補骨脂 炒當歸 小茴香炒 白茯苓

炒川椒 紫石英 淡肉蓯蓉通陽總不宜此味。質賦雖不及熟地。

而鹹味傷心。肺之陽過之。

無錫三十九 秋七月經停幾兩月。繼下血塊。疑是小產。

遂經漏不止。入冬血淨。加五心△△△△△脊椎骨熱。天明微汗。

熱緩。凡經漏胎走下元真陰先損。任脉陰海少液。督

脉陽海氣升。所謂陰虛生熱矣。以肝腎藏陰精血損

傷。醫投芪朮陳簡園是也呆守中土是不究陰陽氣血不亦左乎。

人參 阿膠 建蓮肉 茯神 女貞子

萸肉 生白芍 炙草 糯稻根

常熟三十一寡居無歡悅之念。肝膽中氣火鬱勃直上。

直下莫能制伏。失其疎泄之用。小溲成淋。謂肝脉環

遶陰竅。用龍膽瀉肝法。此木鬱土中。隨陽明之氣而

設法橫疏以平其勢。豈可以霜雪直壓。病暫緩而生氣大傷。其後必更有降無升。豈非大逆。

龍膽草 黃芩 梔子 當歸 生地 柴胡

澤瀉 木通 甘草 車前子

脉左數。上熱下冷。淋帶不止。此內熱溼鬱久。則元虛。

花波羅滑 為末漿丸 卽珍珠粉丸三錢孕婦忌服

孕育已十一胎。未到七七天癸已絕。八脉不司約束。脊

腰痠痛。足跗骨中麻痺。問有帶淋。畏熱。此屬陰虛。虎

潛法治之。

○熟地 龜版 虎骨膠 知母 當歸 白芍

熟黃柏 牛膝

中藥歌問哥帶吳燒北歐制意流

蘇並羅散 益末藥式 鳴逐粒俱式

概念趨土熟不命將帶不五地肉療製變人眼天忠

藥賦 木散 甘草 車前草

請識草 黃苓 蘇子 當歸 主賦 藥師

而五算大烈其對必更百制無次登其大製

應到意眼請識識也去 此木當土中強過民之家

直不莫銷歸對失其刺鮮之思小野如紙隔阻地

常際 藥師 靈醫 無燭 詩之念 祖訓 中藥 大醫 心布

妊娠雜病

槐樹巷

廿三

自乳能令陰傷。秋初巔脹失血。是肝火上

衝使然。今妊身三月。法當養陰固胎。

人參

子芩

阿膠

桑寄生

白芍

黑殼建蓮

脉右虛左弦。身麻肢冷。胎沖脹悶。不饑吞酸。由中虛肝

氣內動之因。五六月當脾胃司胎。又體質不受苦寒。

非清火酸泄氣分之法所宜。

人參

炒半夏

枳殼

桔梗

薑汁

妊娠八九月。胎吸母氣。陽擾煩蒸。心痛引入少腹。謂之

子懸。失治有三沖三激之累。

干柏子仁 天冬肉 女貞實 茯神 生地

散 眞陳阿膠

中由吉巷

廿八卷

案佚

北沙參

茯神

青苧

眞紋銀

女科有胎氣以立基爲要惡阻嘔吐酸味宜安胃調氣

方失前方無案此案無方揣前方意在安胎與此案頗近未審是否不敢強合

黑煖散

人參

干茶

阿膠

桑寄生

白苧

濟卦然今煖良三日必當發熱固銀

野薑香

廿三

自與前合製野薑香麻旗銀尖血景執火

散 煖散

產後雜病

產後兩三日惡露即止。下白甚多。明係溼阻。體虛感邪。

更瘧半月。食減氣壅。延久必致虛脫。且擬補虛鎮墜。

以治氣逆。氣降進食。庶有生機。鎮逆固脫。一方可以兼顧。溼熱上蒸。胃不

納食者。微苦微酸。佐於淡滲。便濁降胃開。

代赭石煨 旋覆花 製半夏 人參 茯苓

新會皮 炒白芍

又服煎湯。逆氣已降。飲食漸進。有向愈之機。然產後肝

腎自虛。若不填納。恐沖氣復逆。

大熟地砂仁 人參 枸杞子炒 炒白芍 茯苓

生杜仲

又進填納神氣雖振寒熱未已白帶仍下溼鬱所致宜用開溼破瘀引邪以冀瘡止。

青蒿

生鱉甲

茯苓

當歸

炒桃仁

新會皮

生香附

分理固是定法其實起手即可淡滲溫納調肝脾通溼瘀並進

更一穩。

產後陰傷寒熱瘡幾兩月病發白帶淋漓八脉空隙大

著腹有動瘕下元虛憊已極議固下真通脉方。

此等動瘕

本非有形氣充自化即有留瘕亦宜先補後攻方中桂枝一味表裏兼顧頗有巧思。

人參

鹿角霜

茯苓

歸身

菝葜

粗桂枝木

產後六日惡露仍下每呵欠寒慄凡進湯必嘔逆舌粉

白有苔。面目四肢浮腫。兼之消渴。喜得涼飲。胸脘痞悶。不饑。此臨產外邪乘虛。竟入厥陰。邪犯陽明。狀如瘧證。但產後虛弱。值冬暖不藏之候。得汗方解。顯然客邪。然柴胡動竭肝陰。決不可用。議和胃清邪一法。
柴胡一語。極為靈胎所詆。然細思實有至理。但配合得宜。自不必過泥。

製半夏 鬱金 新會皮 天花粉 杏仁

竹茹 可再加入調營衛藥。振衛陽以祛表邪。

產後下虛血病為多。今院中痞脹減食不適。全是氣分之病。但調氣寬中。勿犯下焦為穩。
恐有食滯。此案原本重出。蘇梗一作

蘇木誤。

生香附汁 蘇梗 神麩 豆蔻 桔梗 茯苓

平山集卷下 產後雜病

濁氣上逆。惡心不食。冷汗脫煩躁具。最防暴脫。不可但執惡

露滯滿。而專泄氣攻血。

人參 淡乾薑 淡附子 澤瀉少 沖入童便

溫固其氣。即能行血。得其要領。自不相礙。

小產後肌肉似乎豐溢。是陽氣發泄。即外有餘。內不足。

病樣甚多。何堪縷治。在女科莫重於調經。氣血逆亂。

擾動肝脾。心痛發而嘔迷。遇怒着冷痛甚。胃陽已

衰。厥濁易逆。先理胃陽。用金匱法。

○人參 吳茱萸 茯苓 半夏 良薑

產後絡脉傷。腹痛頻發。嗔怒食物不宜則甚。當調和脉

絡。庶不延成痼疾。宜葱白丸。

產後腫脹不愈。顯然下焦先虛。肝腎氣散。不主收納。形寒痞悶。食少痰多。形消肉削。治從溫納。分利攻消。非法。

濟生腎氣丸三錢 磨沈香汁三分沖開水送

產後下焦先虧。腰脊如痠。肛墜不爽。此乃腎虛不攝。痢血與脾病迥異。攝固其陰。略兼通腑。

熟地炭 五味子 茯苓 炒白芍 炙甘草

炒查肉

產後腹堅有形。氣聚不通。漸成脹滿。乃衝脈為病。其大便秘阻。血藥潤滑不應。柔膩氣愈凝滯。攻徐之才云。腎惡燥。以辛溫之。

當歸身 精羊肉 舶茴香 老生薑

萬年橋

廿八春

半產重於正產左脇下瘕形是氣乘肝絡

小產傷胞系

攻之則變為中滿從前有震動胎墜嘔逆寒熱之傷
今當培養氣血正旺則瘕自消不可怠忽致延勞怯

當歸 白芍 鱉血製柴胡 茯苓 蒸於朮

南棗 炙甘草

方

此血痺之證產蓐百脉皆動春寒凜冽客氣乘隙

襲入經絡始而熱勝繼則寒多邪轉陷於陰絡致夜

分偏劇汗多神昏譫語由邪逼神明豈是小病正如

仲景劫汗亡陽驚譫同例議救逆湯減芍藥方治

寒多

減芍藥是仲景法

胎損。陰損於下。厥陽上泛。久有風病。癩證。心營肺衛。最
易蒙蔽。是神志或昏或清。皆夾雜風疾。惡露自行。豈
是瘀痺。姑用輕法。以開上鬲。

枇杷葉

薏苡仁

杏仁

通草

雲苓

淋淋蕤 意符口 杏口 獸單 楚答

長綠秋故風 漣波以開土 隔

長繁新景 柳志更各 短器 夾膝 風決 惡氣 日行

部 局 劍 財 飲 汗 烈 翻 土 致 八 育 風 廉 廉 筮 小 營 湖 滿 景

蓐勞

與上篇合看

產後十三日診脉數疾。上湧下垂。此血去陰傷。孤陽上冒。內風燔燎。肝魂不寧。面赤頭痛。晝輕夜重。陰弱陽亢。上實下虛。若不按法施治。必增瘵瘵厥逆。議鹹潤益下和陽方。

小生地

生牡蠣

淮小麥

阿膠

麥冬

元參

產後下損。八脉交虛。形寒內熱。骨痛耳鳴。血液日耗。生氣不充。冬季不得復元。春深發泄。司令延為勞瘵矣。

杞子

歸身

紫石英

沙蒺藜

茯神

蓮肉

蓐勞下損。損及八脉。醫投清內熱。滋陰致胃傷。食減寒

熱下焦沖氣上逆而咳嗽藥惟治肺與下虛內損並
無干涉帶淋骨熱髓竭液枯蓐損較平常損怯更難
寒暑更迭不復草木焉能奏功勉與血肉有情望其
加穀望其悠久

鮮河車具一人乳兩八生紫石英兩三血餘灰兩三秋石兩一

人參煎湯送錢二
秋石總嫌太鹹細審內
經味過於鹹諸條可悟

流貞巷卷二十七上年五箇月小產二次再加冬季服事

病人產虛在陰勞傷在陽此欬嗽吐粘濁氣逆嘔食
之由來也凡食入胃傳陽此欬是下虛不納氣衝湧
水上泛胃乏運行食亦繼出奈庸工不明傷損陰中
之陽僅僅消痰清肺一派寒涼必致胃倒敗壞近日風

盛行勞病所以日多也。

桂苓甘味湯

下焦陰虧不攝。裏熱泄瀉。厥陽上泛。頭痛。又產後兼病。

損。凡裏熱泄瀉。總是肝氣妄行。故上泛。則變為頭痛。治宜疏土增水以涵木。

甘草 熟地 茯神 芡實 山藥 建蓮

川斛

蓐勞下虛。溏泄。近有風溫。咳嗽發熱。暫用手太陰上焦。

藥四五日。

桑葉 沙參 麥冬 玉竹 甘草 扁豆

此方風溫

則可。若風寒是逼入勞損矣。

久瀉無不傷腎。況兼產後起因。補中必當理下。是為脾

腎兩補。

○五味子 生杜仲 雲茯苓 杜芡實 兔絲粉

臺人參 補骨脂 焦白朮

產後五十餘日。腹滿不減。臆脹愈甚。二便不爽。此因下

焦。空虛。腑陽失氣化之司。先宜通陽。得脹勢稍緩。再

議。方用五苓加椒目。不必加。

產後。脉虛。舌白。背寒。凜身痛。乾咳不饑。是血氣兩損。不

肯復元。有蓐勞之慮。急當培養足三陰臟。莫以肺經

咳嗽治。再伐胃氣。用貞元飲方。又是景岳方。

熟地 歸身 炙草 茯神 杞子 桂圓肉

饑時服